

DE PRIORE

ASTRONOMIÆ PARTE,

SEV DE SPHÆRA, LIBRI DVO.

*Auctore Iacobo Cheyneio ab Arnage, Scoto,
I. V. L. & Philosophiæ ac matheseōn apud
Duacenos Professore.*

A D

*Illustrissimum, Reuerendissimūque
Principem Ludouicum de Berlay-
mont, Cameraci Archiepiscop. &c.*

Rerum capita versa pagella ob oculos pones.



D V A C I.

Ex officina Ioannis Bogardi Typ: iurat.

Sub Biblijs Aureis, Anno 1575.

Cum gratia & Priuilegio Reg. Maiest.

Subsig. Boonen.

INDEX CAPITVM LIBRI PRIORIS.

- A**rgumentum in vniuersam Astro-
nomiam.
Procemium libri.
De mundo eiusque partibus præcipuis,
& earum forma. cap. 1.
De terra & aqua ac alijs eodem perti-
nentibus. 2.
De duobus motibus Sphærarum coele-
stium. 3.
De Sphærarum coelestium numero atque
ordine. 4.
De occasione describendorum in cœlo
circularum, ac de eorundam diui-
sione. 5.
De circulo æquinoctiali. 6.
De signifero circulo ac 12 eius parti-
bus, quæ signa dicuntur. 7.
De latitudine signiferi, maxima solis de-
clinatione, & solis ac lunæ defectu. 8.
De Horizonte & Meridiano, eorumque
mutatione. 9.
De 12 cœli domicilijs, eorumque cir-
culis. 10.

De duobus Coluris, & 4. circulis minoribus. 11.

De circulis verticalibus, altitudinum & Horarijs. 12.

De nonnullis alijs circulorum diuisionibus, & cursim de Galaxia, & Sphæra recta ac obliqua. 13.

De quinque zonis, quatuor præcipuis mundi cardinibus, dextris ac sinistris regionibus, & principibus ventis. 14.

CAPITA LIB.

posterioris.

PROCÆMIUM.

De vulgari seu poëtico ortu & occasu siderum. Cap. 1.

De usu ortus & occasus poëtici. 2.

De ortu & occasu astronomico, seu ascensu & descensu signorum. 3.

De dierum æqualitate & inæqualitate, item de die apparente & mediocri. 4.

De vulgari diei in naturalem & artificialem diuisione. 5.

De horarum tam æqualium, quàm inæqualium. qua-

- qualium differentijs & calculo. 6.
 De motibus Sphæræ octauæ & nonæ, &
 cursim de stellarum longitudine, la-
 titudine, declinatione, ceterisque af-
 fectionibus. 7.
 De præcipuorum siderum nominibus
 & situ. 8.
 De sideribus australibus. 9.
 De stellis errantibus, seu septem pla-
 netis. 10.

F I N I S.

CARMEN FRANCISCI
 Moschi ad Lectorem.

*S*idereas tentare domos, si fortè laboras,
A Ethereiq, simul noscere signa poli.
*I*nspecte quæ modico tibi porrigit ecce libello
*C*heyneius: facili te docet ista viâ.
*E*rgo iter ingrediens oculos sublimis Olympi
*C*onice in aspectus, hoc duce tutus eris.

ILLVSTRIS.

ET REVEREND. IN CHRI-

STO PATRI ET DOMINO, D. LV-
DOVICO de Berlaymont, Archiepis-
copo & Duci Cameracensi, Principi
Imperij Clarissimo, &c. Iacobus
Cheyneius ab Arnage S. P.

In Timæo.



ON eruditè mo-
dò, verùm etiã re-
ligiosè, Plato mi-
hi dixisse videtur
(Præceps illustris-
sime) Astrono-
mię causâ nobis

oculos esse datos: Cùm enim oculi, atque
adeò omnia hominis membra creatoris,
ac factoris sui obsequio, quodam naturæ
decreto, deuincta sint, Principemque in
eo usum habeant, vt, pro sua quodque
dignitate, ad inuestigandam præpoten-
tis dei cognitionem aliquid operæ &
adiu-

adiumenti conferant; valdè appositè,
 propè etiam dixerim, diuinè, diuinus
 ille Philosophus oculorum aciè ad Astro-
 nomia, id est, cæli, siderumque contem-
 plationem, deorum munere nobis con-
 cessam esse existiuauit. Nulla etenim
 gens est, neque tam fera, neque tã bar-
 bara, aut ab omni humanitate ita dere-
 licta, quæ aspectum in cælum tollēs, non
 intelligat numē aliquod esse, cuius pro-
 uidentia id omne quod cernimus, gu-
 bernetur. Nemo tam vecors est, qui
 cū in astrorum pulchritudinem su-
 spexerit, non sentiat Deum esse, cuius
 immensa bonitate, omnia conseruētur.
 Nemo denique tam impedita mētis est,
 qui admirabilem cursum cælestiū vi-
 cissitudinem, quam vix quisquam arte
 vlla persequi possit, casu fieri arbitre-
 tur, nisi fortuito indiuiduorum corpus-
 culorum concursu (quod somniando

EPISTOLA

hallucinatus est Democritus) hanc rerum vniuersitatem extitisse iudicet. Summi igitur opificis consilio hæc mundi machinã constitutam esse, & elementa, atque ex his procreata corpora, luce & cœlesti quadã vi foueri, Astronomiæ beneficio intelligere promptũ est. Nam cum lucem, splendoremque cœlestiũ corporum intuemur, non possumus non cogitare mentem illam mundi rectoricem, rerumque parentem & fontem lucis, quiddam esse omni luce illustrius, quod cum verè conspicitur, in admiranda luce cernitur. Sed est fortassè nobis enitendum, vt explicatiùs istud dicamus. Positum ergo principiò sit (quod extra omnẽ controuersiam esse debet) actionũ humanarum finem & scopũ vltimũ in iucundissima diuinæ naturæ & lucis sempiternæ cõtemplatione verti. An igitur vllus Astronomiã illustrior huius rei typus

DEDICATORIA.

pus dari possit? cū præsertim mortale
 hominum genus ad cœli, siderumque &
 rerum æternarum cōtemplationem in-
 stiget, vrgeat, impellat; adeò, vt conti-
 nēs quidam traiectus cum arcana Theo-
 logia, & ad antiquius quippiam tradu-
 ctio esse videatur. Nam cum bellè inter
 omnes conueniat artes ac disciplinas in-
 uentas esse, & maiorum industriâ ad
 nos propagatas, vt collapse in nobis ima-
 ginis Αεχέτυπον demonstrent (quod non
 obscure testatur Plato, gratam, inquiēs,
 de Deo in artibus famam esse sparsam)
 & difficile humanæ vitæ conditionem
 nonnihil adiuuēt, nulla profecto est om-
 nium, in qua tam illustria diuinæ natu-
 ræ simulacra appareant, quàm in Astro-
 nomia. Hæc etenim sola infimum hunc
 globum, qui ex mutuo elementorū com-
 plexu coaluit, & in quo ceteræ ferè ar-
 tes ac sciētia conquiescunt, dedignata,
 vastif-

EPISTOLA

vastissimum aëra perrupit; ac per im-
mensos orbes meantium stellarum dela-
ta, supra sidera cœlo infixâ arcem occu-
pauit: Nec tantum motus, magnitudi-
nes, & interualla corporum cœlestium
scrutatur; verum etiam ex admiranda
compage, & perenni astrorum cursu, sui
cultores in Principis rerum omnium au-
ctoris atque architecti contemplatio-
ne defixos tandem relinquit. Quò fit,
vt ex omni animantium genere solus ho-
mo, quodam veluti naturæ edicto, seu
diuinâ potius prouidentia erectos (vt
loquitur Poëta) ad sidera tollere vultus
iussus sit. Quid ita? An, vt dignitatis,
excellentiæque suæ, infra quam terrena
omnia longissimè constituta sunt, ad-
moneretur, & generoso quodam impe-
tu ad cœlestium rerum contemplatio-
nem excitaretur? An verò, vt cogita-
ret Principem sui partem non ex ter-
rena

Quid. r.
 Netam.

DEDICATORIA.

rena fece, aut caduca aliqua natura propagatam esse; sed diuinæ auræ particulam esse ex æterna mēte delibatam? An denique (quod vero est similis) vt ex aspectabili corporum cœlestium splendore, perenni motu, ratisque vicibus in factoris sui admirationē, cognitionem, amorem & venerationem sensim assurgeret, rapereturque. Est igitur Astro-nomiæ, nō modò summa dignitas atque præstātia, vtpote quæ in æternis & perfectissimis corporibus versatur, verum etiam in vera Dei cognitione perquirenda vsus, & vis nequaquam vulgaris. Sed nescio quomodo naturā comparatum est, vt nihil sit pulcrum, splendidum & excellens, quin idem difficile, arduum, & excelso loco positum videatur; eamque ob rem μικρότης, abiectisq; animis inuisum semper, atque adeò odiosum. Hinc ille ignauorum ho-minum

EPISTOLA

minum voces plúsq̃uam vesanae prodie-
 runt : Motuũ calculus atque adeò vni-
 uersa Astronomia otiosi ingenij monu-
 mentum est, subtilitatis plurimum, v-
 tilitatis minimũ, aut nihil habens, pro-
 cul ab actiõne & luce Reip. positum, ad
 ea quæ aperto cælo geruntur nihil con-
 ducens, & id genus non pauca alia. ve-
 rùm Astronomiæ nostræ vehementer
 gratulor, quòd in tanta temporum va-
 rietate à nemine vnquàm exagitata
 sit, præterquàm ab ijs, qui, quo erant mē-
 tis stupore, huius scientiæ, neque præ-
 stantiam assequeuti sunt, neque fructus
 degustarunt. Rursum Astronomiæ no-
 stræ gratulor, quòd, præter infinitos in
 omni eruditionis genere viros præstan-
 tissimos, summos quoque monarchas,
 Imperatores & Reges (vt Iulium Cæ-
 sarem, Hadrianum Imperatorem, M.
 Antonium, Fredericum eius nominis
 secun-

DEDICATORIA.

secundum, *Alfonsum Regem, inuictissimum Carolum Quintum*) fautores atque adeò cultores maximè sedulos, ad nostra vsque tempora, habuerit: quorū alij *Astronomiæ* cognitione excelluerunt, alij tantā, quanta summa esse potuit, beneuolentiā rerum *Astronomicarum* studiosos prosequuti sunt. Sed de *Alphonso Rege* quid dicam? qui magnificentiā prorsus regiā, & æternis monumentis dignissimā, in tabularum *astronomicarum* (quæ ad perpetuam rei memoriam *Alphonsinæ* appellatæ sunt) constructionem, quadringenta milia aureorum erogauit. Neque verò desunt hac nostra etiā ætate Principes in Rep. viri, qui præstantissimæ siderum, cursumque, cælestium scientiæ amore capti, calumniatiū insultus fortiter repellant: inter quos nisi *T. Celsitudini* (pre-sul omni obseruantia dignissime) primæ
 partes

EPISTOLA

partes debeatur, non parum me animus
 fallit. Non enim aliud ex singulari illa
 humanitate (vt eruditione tua, pieta-
 tem, in musarum cultores munificentia-
 am, ceterasque, cum tuas, tum maioru
 tuorum virtutes, quae tamen sunt ma-
 ximae, tanquam luce meridiana clario-
 res silentio nunc inuoluam) qua, cum
 bonos omnes, tum vero maxime viros
 literatos prosequeris, ominari possum,
 quam te vnum esse, in quo musae & cu-
 ras omnes, cogitationesque suas ponat,
 & conquiescant. Quid obsecro huma-
 nissimus ille congressus, quo me non ita
 pridem, cum Cameracum venissem, in
 medijs tuis occupationibus dignatus es,
 aliud loquebatur, quam tibi nihil esse,
 neque prius, neque antiquius, quam eos
 omni beneficiorum genere ornare, qui
 se totos Reip. literariae iuuandae manci-
 parunt? Ignosce mihi obsecro (Princeps
 illu-

DEDICATORIA.

*illustrissime) quòd humanitatem tuam,
 præ ceteris virtutibus, quibus tamen es
 instructissimus, tantopere exosculer at-
 que admirer: Nam mihi illud in te sin-
 gulare visum est, quòd externos, si eru-
 ditionis nomine commendentur, iuxta
 ac ciues, popularésque tuos foueas, com-
 plectaris, & tua beneuolentia ac amici-
 tia digneris. Qua ego re adductus sum,
 vt has meas de priore Astronomiæ par-
 te seu de Sphæra commentationes am-
 plitudini tuæ inscriberem, dicaremq; :
 Non quòd à me quicquàm proficisci pos-
 se considerem, quod tuo patrocinio di-
 gnum videri queat; sed vt communi
 exterorum omnium, maximè tamẽ eo-
 rû, qui pietatis & Catholicę religionis
 studio, sponte exulant, nomine, aliquam
 non ingrati animi significationem ex-
 hiberem. Hoc ergo munusculum, quod
 in tuam clientelam commendo, si boni
 con-*

EPISTOLA

*consulas, tuoque digneris favore, non
solum summo ab amplitudine tua bene-
ficio cumulatus, verum etiam ad alte-
ram Astronomiæ partem, quæ apud me
inchoata iacet, tuo nomine euulgadam,
obligatus, mihi videbor. Interea Deum
optimum Max. rogabo, ut T. Celsitudi-
nem nobis, toti que Reipub. Christianæ
quam diutissimè incolumen esse velit.
Vale.*

Duaci, E Collegio Regio, Anno salutis
humanæ. CIO. IO. LXXV.

Ia. Cheyneius.

ARGV-

ARGVMENTVM IN VNI- VEESAM ASTRONOMIAM.



Astronomia (ut à defini-
tione ordiamur) est mo-
tuum, magnitudinum &
figurarum, quæ in coelesti
corpore conspiciuntur, sci-
entia: vel (ut *Astrologi-*
am simul complectamur) est sciētia astrorum,
coelique cursus, vires & varia effecta expli-
cās. Ex posteriore hac definitione intelligimus
duas esse *Astronomiæ*, sic, latâ verbi notione,
accepta, principes partes; quarū una (quæ præ-
cipuo nomine, *Astronomia*, ἀπὸ τῆς νομῆς τῶν
ἀστρον appellatur) in explicandis orbibus &
cursu Sphærarum coelestium occupatur: id est,
docet, postquàm per instrumenta ad hoc nego-
tium idonea, accedentibus etiam demonstratio-
nibus geometricis, observationes fuerint abso-
lutæ, quomodo ad quoduis tempus propositum,
stellarum tam fixarum, quàm errantiū, situs
inueniatur. Altera (quam græci μαθητικὴν, la-
tini magis appositè, teste Cicerone, diuinatio-
nem, seu diuinā discipulam, nonnulli *Astro-*
logiam vocant) astrorum vires, atque effecta

x. lib. de
diuina

ex oppositionibus, coniunctionibus, aspectibus
& id genus alijs perscrutatur. De hac, prater
alios infinitos, fusè disputat Ptolemæus in ope-
re τῶν ἀποτελεσμάτων. quod *Quadripartitū*
vulgò dicitur: & nos suo loco aliquid fortasse
dicemus. Nunc ad priorem redeamus. Cū
Astronomiæ (quam praprio nomine sic apella-
mus) materia subiecta sit corpus coeleste, seu
potius corporis coelestis figura, ac magnitudo,
quatenus motui subiicitur, non abs re, habita
ratione motus, in duas partes diuidi consuevit:
quarū prior, ea omnia, quæ ex supræma sphae-
rae (quæ primum mobile dicitur) motu eue-
niunt, ut circulorum descriptiones, stellarum,
& quorumlibet coeli punctorum ortum, occa-
sum, ascensum, & descensum complectitur:
posterior verò inferiorum sphaerarum motus,
orbes, ceteraque eòdem pertinentia ob oculos
ponit. Vtramque Ptol. in praeclaro illo opere
περὶ τῆς μεγάλης συντάξεως, id est, de magna
construptione, seu (ut vulgus loquitur) *Alma-*
gesto, plenè, perfectèque explicuit: priorè qui-
dem duobus primis libris, reliquis verò (exce-
ptis 7. & 8. in quibus veluti extremam ma-
num adhibiturus, disputationem duobus pri-
mis lib. inchoatam perficit) posteriorè. Verū
quia

quia Ptolemaei opus nec in omnium manibus
 versatur, nec à rudioribus, ob geometricarum
 demonstrationum difficultatem intelligitur,
 nos priorem partem facili methodo, duobus his
 libris exhibemus, posteriorem etiam, propitio
 numine, in studiosorum gratiam exhibituri.
 postulat enim Astronomiae tradendae metho-
 dus, ut ea principio exponantur, quae ex sim-
 plicissimo supremæ sphaerae motu consequun-
 tur: sunt enim haec nobis notiora ijs quae in
 posteriore parte de planetarum varijs motibus
 explicanda sunt. Quod porrò ad Astroligiam
 attinet, utramque partem sequitur; ut-
 pote quae sine his nullo modo
 intelligi potest, verum
 hac de re suo
 loco.





IACOBI CHERNEII AB
ARNAGE, DE PRIORE A-
stronomiae parte, Liber prior.

PROOEMIUM.



VM Astronomia
in orbium coele-
stium, siderum-
que cursu ferè to-
ta vertatur, non
abs re in hac ex-
plicanda, tam Græ-
ci, quàm latini scri-
ptores sphæræ interpretationi Princi-
pem locū tribuerunt: non tantū quia
instrumenta mathematica (quibus non
intellectis motuū nulla esse potest ob-
servatio) ad sphæræ amussim exigenda
sunt; sed multò magis, quia globosam
coeli & totius vniuersi figuram, duos

B 3 item

item motus præcipuos, & varios cœlo-
rum circulos; ac omnino omnia quæ ex
supremæ sphæræ motu consequuntur,
vt ortus, obitúsque astrorum; Æquato-
ris cum Signiferi partibus ascensum, &
descēsum, tum rectum, tum obliquum,
dilucidè apertéque ob oculos ponit.

sphæra.

Sphæræ porrò nomē, licet generali ver-
bi notione, omne corpus perfectè rotū-
dum significet, ex vsu tamen loquendi
pressiùs à nobis nunc accipitur pro glo-
bo absolutè rotūdo, & volubili, qui cir-
culorū, motuumque cœlestium diuer-
sitatem, & totius vniuersi formam præ-
sefert. Non enim iam Sphæram solidam
à pertusa seu armillari (vt nūc vocatur)
distinguiamus: Nam quēadmodum hu-
ius, in orbium motuūque varietate de-
monstrandæ vsus maximè cernitur; ita
illius, in siderum, stellarumque (si globū
stelliferum cōsideres) & terræ partium,
que eius (si globum geographicum) si-
tu, ac descriptione. Sed nunc rem ipsam
aggrediamur.

De mun-

De mundo, cuiusque partibus præcipuis, & earum figura.

CAP. PRIMVM.

TOta hæc rerum vniuersitas (quantum Græci, tū Latini, admiranda eius pulchritudine & perfectione adducit, à nitore & mundicie, hi quidē mundū, illi κοσμὸν appellantur) duabus partibus constat: quarum vna sphaeras coelestes, altera quatuor elementa, & quicquid ex his concreuit, suo ambitu coërcet. Rectè itaque nonnulli definiunt mundū esse σύστημα, seu concinuā quandam copagem ex cœlo terraque coagmentatam atque ijs naturis, quæ his continentur. Nam præter elementa, & ex his concreta corpora, quæ instar materiæ, perenni mutationi subiiciuntur, corpora item coelestia (quæ cum ab omni perpeffione externa libera sint, tum formæ, & causæ efficientis rationem suscipiunt) horumque directrices intelligentias, & mentes incorporeas (quas Aristoteles extra cœlum vitā omnibus bonis cinulatā, & senectutis nesciā degere, in lib. de cœlo auctor est) nihil reli-

*Auctor lib.
de mundo.*

Lib. I. ca. 9

quum esse multis rationibus doceri potest. Cùm igitur cœlum suo complexu omnia cōtineat, meritò figuram Sphæricam deposcit; utpote quæ τῶν σχημάτων ἰσοπεριμέτρων, id est, figurarum intra eundem ambitum descriptarū, maximè capax est, & concitatissimo in orbem motui accommodatissima: Nam præterquàm quòd hæc figura vi quadam & potestata ceteras contineat, nihil incisum, nihil eminēs, nihil lacunosum, aut angulis refractum habet. Hoc ipsum ex stellarum ab ortu per meridiā in occasum, & indè per septentriones toties repetito cursu intelligere procliue est: cùm præsertim stellæ hūc motum cum sphaeris suis, quarū partes sunt, habeant cōmunem. Idem quoque stellarum, quæ infra nostrum finientem nunquam demerguntur, quæque polo vicinæ sunt, motio perennis confirmat. Ex his enim nō tantum efficitur cœlum in orbem moueri, verum etiam globosa forma donatum esse. Quod non tantum de cœlo supremo, sed de omnibus inferioribus, atque adeò ipsis elemētis igne,
 Aëre

Aëre, Aqua, & Terra accipiendum est. *vide Arist. lib. 2 de cœlo cap. 4*
Semper enim id quod circumscribit & continet, ei quod continetur, figuram impartit.

De terra, & aqua, ac alijs eodem pertinentibus.

CAP. II.

TErram cum circumfluentibus aquis vnum globum efficere (licet ob commodiorem animantium habitationem multis in locis aquis emineat) non pauca sunt, quæ fidē facere possunt: Siue enim motum naturalem partiū terre, quo (maiore minorem semper deprimente) medium petunt, siue lunæ defectum, qui ex terræ interpositu formâ rotundâ apparet, siue astrorum diuersorum in diuersis terræ partibus conspectum intueamur, singula profectò, multò magis vniuersa, hoc ipsum satis confirmant. Ortum & occasum stellarū, qui ante gentibus Eois quàm occiduis conspiciuntur, atque id genus alia à Ptole- *lib. 1 περὶ τῆς γῆς*
mæo fusissimè, à nobis verò cursim lib. I. *cap. 3. 4. 5*
Geographiæ explicata, libens prætereo. *et 6;*
Nunc aquam sphaericæ esse figuræ doceamus.

ceamus. Aquam esse rotundam velex
 eo manifestum est, quòd non solùm in
 decliuiora terræ loca, tãtis per suã natu-
 râ illabatur, quoad omni ex parte equa-
 liter à centro absit, verùm etiam gutta-
 tim in locum aliquem siccum, aut tenui
 puluisculo conspersum effusa, globosam
 formam spontè arripiat, atque tueatur.
 Neque verò nihil quotidiana nautarũ
 experientia ad confirmandam aquæ ro-
 tunditatem facit; cùm præsertim nulla;
 præter aquę tumorẽ, causa afferri que-
 at, cur è portu soluentibus littora pri-
 mum, & decliuiora terrę loca, mox al-
 tiora, tandem ædificia, turres, ac ipsi de-
 nique montes apparere definant; adeò
 vt in altum iam prouecti præter coelum,
 & mare nihil cõspiciant. Vniuersam igitur
 terræ molem cum circumfluentibus
 aquis vnum globum efficere hætenus
 demonstratum sit. Nunc terram in me-
 dio vniuersi sitam esse, omniq̃ue motu
 vacare ostendamus. Principiò itaque ex
 naturali Philosophia repetendũ est, cor-
 pori simplici, eiusq̃ue partibus eundem
 motũ naturã conuenire, & vnuũquod-
 que

que corpus naturâ eo in loco quiescere, ad quem suâ vi fertur: cùm igitur terræ partes spontè ad medium ferâtur, consequens est ipsam quoque terrâ in medio quiescere. His etiam fidem cõciliat, quòd res graues in sublime proiectæ, eundem, si rectâ ferantur, locû repetant. Nec minùs ex æquinoctijs, paribus dierum, & noctium incrementis, ac decrementis, solis, & lunæ defectibus; atque id genus alijs (quæ ex sequentibus erunt euidentiora) terram in medio mundi sitam esse confirmabitur. Ceterum terram, non obstante eius mole, puncti ratione habere, si cum corporibus cœlestibus compareretur, primùm quidem euincunt æquales stellarum magnitudines, ijsdem temporibus in quouis terræ tractu obseruatae: deinde mathematicorum obseruationes, ac demonstraciones, quæ perindè, ac si in centro mundi fierent, Phænomenis vbique respondent; ac postremò, quòd dimidiatâ cœli partem semper conspiciere ex quolibet terræ loco possimus. Sed de his hæc suffecerint: qui plura videre uolet, legat sex
prima

prima cap. lib. I. Ptolo. περί τῆς μεγάλης
συντάξε. (vbi de totius vniuersi, partiūque
eius forma, situ & alijs eodē pertinenti-
bus fusè tractatur) & Arist. lib. 2. de
cœlo cap. 4. 13. & 14.

De duobus motibus Sphærarum coelestium.

CAP. III.

E Sse in cœlo præter motū diurnum
omnibus notissimū (quo, non tan-
tū supremam Sphæram, verū etiam
omnes inferiores, atque adeò sphæra ig-
nis & supremam aëris regionem ab or-
tu per meridiem in occasum ferri obser-
uamus) alium huic contrarium ipsa ex-
perientia argumēto est: Cū enim pla-
netæ non similiter, ac stellæ fixæ, eun-
dē vel inter se, vel cum stellis fixis sitū ac
distantiam obseruent; sed aliàs maiore,
aliàs minore spatio absint, ac sensim ad
ortum progressi, stellas reliquas post se
deserant, & rursum easdem consequan-
tur (vt ex concitatissimo lunæ cursu, vel
breui tempore obseruare est) fieri non
potest, quin alio quodā motu, ac super
proprijs axibus & Polis ferantur. Poste-
rior hic motus omnibus sphæris cœlesti-
bus

bus (exceptâ primâ) cōmunis est: omnes enim ab occasu ad ortum feruntur, sed imparibus tēporum interuallis. Nā quò sphæra aliqua à terris fuerit altior, & supremæ sphære vicinior, eò nimirum tardiùs proprio motu fertur; partim quia contrarium supremæ sphære impetum ægriùs superat, partim quia mole ac vastitate inferiores excedit. Verùm nunc de sphærarum numero ac ordine dicamus.

De Sphærarum coelestium numero atque ordine.

C A P. IIII.

V Niuersam coeli molem non esse vnum ac continuum corpus, sed ex pluribus sphæris ita inter se cohærentibus, vt se contingant, coagmentatum, contrarij motus à nobis iam explicati apertissimè cōfirmant. Fieri etenim non potest, vt corporis continui partes proprijs ac contrarijs motibus ferantur. Quare optimè ex numero motuū, sphærarum coelestiū numerus explicari poterit. Cū enim longa obseruatione cōstet, singulos planetas proprio quodam

dam motu in orbem moueri, consequens est singulis planetis singulas assignandas esse sphæras. Rursum quia siderum fixorum motus, à planetarum motu diuersus est, dubitari nō potest, quin præter planetarum sphæras alia quædam sit, in qua stellæ fixe mouentur. Hanc plærique supremam esse arbitrati, octo tantum sphæras cœlestes posuerunt: verum recentiores, quia tres in octaua sphæra motusprehenderunt, adducti sunt, vt veterum inuentis nonam, item & decimam sphæram adiicerent; ne videlicet cōtrā ac ratio naturalis, seu Physica suadet, cogerētur fateri, vel corpus simplex pluribus motibus sua vi moueri, vel sphæras superiores motum ab inferioribus mutuari: quorum vtrumque æquè absurdum visum est. Vtrum porrò reuera duæ sphærę supra firmamentum existant, an verò commodioris intelligentiæ causā, & ob faciliorem trium motuum, qui in octaua sphæra obseruati sunt, explicationem, à doctioribus astronomis conficti sint, nunc nihil assero: In secunda parte astronomiæ, vbi de octauę sphæ.

sphære, ceterarumque inferiorum motibus, de industria agendū est, latiùs fortasse disputabitur. Nunc ad circulorum, qui in coelo ab astronomis describi solent, explicatianem stylum conuerto.

De occasione describendorum in coelo circulorum, ac de eorundam diuisione.

CAP. V.

Veteres illi rerum astronomicarum studiosi, quò commodiùs stellarum situm, puncta ortus atque occasus, dierum item & noctium incrementa, vicissitudines, atque id genus alia explicare possēt, ingeniosè sanè varios ex solis (qui dux & auctor ceterorum luminum est) cursu circulos in coelo descripserūt. Tempore etenim æquinoctij diurnum solis motum considerantes, circulum æquinoctialem inuenerunt: Rursum ex eiusdem cursu, dum Solsticiorū puncta occupat, circulos Cancrī & Capricornī definierunt; hunc quidem ex motu solis dum in solstitio brumali est, illum, dū in opposito, seu æstiuāli. Quod porrò ad lineā Eclipticam attinet, quæ significum

rum mediū secat, ex proprio solis motu, quo ab occasu in ortum obliquè delabitur, excogitata est: Ab hac duę lineę, 8 vtrinque gradibus remotæ, totam Zodiaci latitudinem cōprehendunt. Circuli polares, non tām ex proprio solis motu, quām ex huius polis (quorum vnus Arcticum, alter Antarctiū describit) notati sunt. Ceterū coluri duo, vnus æquinoctiorum, solstitiorum alter, adiecti vidētur, partim vt quatuor partium anni principia facilius notarentur, partim vt sphæra ipsa firmitus compaginaretur, & mutuo circulorum cōplexu cohæreret. Qui præter iam dictos, ab astronomis circuli obseruari solent, non tām solis motu describi, quām limites quidā & termini motus esse vidētur. Nā sol vbi primū manē emergit, & iterū sese abdit, lineam quandam terminat, quę, quia partem cœli conspicuā ab ea, quę latet, dirimit, finiens seu Horizō appellatur. Rursum sol ad cœli verticem ac fastigium euectus, circulum meridianum per polos mundi & imam medij cœli regionē traductum, demonstrat: verū

verum de singulis, repetito initio circulis, ac primum quidem de maioribus, id est, ijs qui coelum in duas æquas partes diuidunt, dicamus.

De circulo Aequinoctiali.

C A P. VI.

Æquinoctialis circulus (quem æquatorem, & supremæ spheræ cingulum vocant) est cuius omnes partes æqualiter à mundi polis absunt, quæque spheram in duas partes æquales diuidit. Huic nomen dedit noctium, & dierum ubique terrarum æqualitas, sole hunc circulum obtinente: Nam cum ex omnibus circulis parallelis, qui diurno solis motu describuntur, solus æquator ab omnium gentium finitoribus in duas æquas partes diuidatur, consequens est, non aliàs diem nocti ubique terrarum parem esse, quàm si sub hoc circulo sol decurrat. Decurrit autem bis quotannis, semel sub ²¹ Martij; quo tempore sol, occupato Arietis initio, verum æquinoctium constituit; Iterum sub ²³ diē Septembris, dum primam librę partem ingreditur, & Autumnale æquinoctium

C descri-

describit. Est porrò hic circulus (vt reliqua eius munera, quæ partim in Geographia à nobis explicata sunt, partim in sequentibus attingemus, nunc prætereantur) primi motus mensura. Nā cum hic motus 24 horis conficiatur, quo tempore totus Aequinoctialis pecoritur, cōfectarium est singulis horis 15 gradus, seu partes huius circuli oriri: Quò factum est, vt hæ horæ æquinoctiales appellatæ sint, & æquales, ad distinctionē horarum inæqualiū, quas Graeci *νεμικαὶ*, Latini temporarias vocarunt: À quibusdam etiam planetariæ dicuntur, ad Ethnicorum imitationem, qui singulis horis singulos planetas praefecerunt. Hinc vulgaria dierū, quibus vtimur, nomina natarunt: Nam si primam horam, diei Lunae (verbi caussā) assignes, secundā Saturno, atque eo ordine progrediaris, comperies horam quartā & vicesimam esse sacram Ioui, ideoque primae, diei proximi, horae Martē esse praefectum: vndè etiam dies Martis ab eo planeta, qui primae horae præest, dicitur. Sed de his suo loco plura. Nunc de Signifero

cir-

circulo agamus.

De Signifero circulo, ac 12 eius partibus, quae signa dicuntur.

C A P. VII.

Signiferi, seu Zodiaci ad planetarum motum ratio ferè eadem est, quae Aequatoris ad motum sphaerae supremae: Nam vt hic orbis supremi axem ad angulos rectos interfecat, & ab vtroque eius polo aequaliter distat: ita inferiores sphaeræ axes, ac polos cum Zodiaco habent communes. Est itaque Signifer, seu Zodiacus circulus, qui inter mundi polos obliquè locatus, æquatorem in duobus Æquinoctiorum pūctis interfecat. Ab obliquo hoc situ Arist. obliquum circulum appellauit. Alij Zodiacum, vel ἀπὸ τῆς ζωῆς, quòd motus planetarū, & maximè solis, in hoc circulo, omnem in viuētibz vicissitudinē procuret, vel ἀπὸ τῆς ζωῆς, quia animalium positum, & qualemcumque figurā, huius circuli signa prae se ferunt, appellatum putant: Cicero à signis Signiferum dixit. Vt enim annus, qui solis in hoc circulo motu definitur, in 12 menses, pro-

lib. 2 de or
tu cap. 10.

pter lunae fortassis coitum cum sole toties quotannis repetitum, diuisus est; ita Zodiacus in 12 partes, seu signa distinguitur: quibus animalium nomina imposita sunt, partim propter eam, quā diximus causam; partim propter rerum inferiorum temperaturā, & solis influxum, quo, dū singula signa ordine percurrit, accommodatē ad horū animalium constitutionē, & qualitates, caducā mundi partē immutare solet. Notatur porro 12 signa his characteribus ♈, ♉, ♊, ♋, ♌, ♍, ♎, ♏, ♐, ♑, ♒, ♓. Primum itaque signum Aries appellatur, quia sub principium veris, quo tempore Sol hanc Zodiaci partem ingreditur, humor calori permixtus aëris temperiem Arietis constitutioni non dissimilem reddit. Pari ratione ceterorum signorum nomina (quae nos breuitatis causa, vt notiora praeterimus) probabiliter explicari poterunt. Quod porro ad signorum ordinem attinet, non immeritò principem Arieti locum, cum Ptolomeo, tribuimus, tūm quia temperiem habet primae hominum aetati simili-

Lib. I.

των ἀπο-

τελεισμ.

milimam (est enim Calidæ, & Humidæ naturæ) tum quia sole hoc signum ingrediēte, omnia renouari, ac renasci videntur: quod eleganter expressit poëta de vere loquens.

Omnia tunc florēt, tunc est noua tēporis ætas:

Et noua de grauidō palmite gemma tumet.

Et modō formatis operitur frondibus arbor,

Prodit & in summū seminis herba solum.

Alij alias afferunt causas, quas videre licet apud Macrobi. lib. i. in somnium Scip. c. 21, & Guidonem Bonnatum Tract. 2. cap. 6. Arietem Taurus sequitur; quia calor solis hoc signū subeuntis, assumpto veluti robore tauri, intenditur: Similiterque de reliquis, seruata analogiâ, dicendum est: Taurum enim Gemini, & hos Cancer sequitur, &c. vt ex sequenti tabella videre est, in qua signorū nomina, characteres, qualitates, & anni tempora, hominum ætates, 4 humores, ac mundi regiones, & ex his spirantes venti, quibuscū signa conspirant, ob oculos ponuntur.

DE SPHÆRA

Qualitates		Character.	Nomina signorum.	Venti card.		Mundi reg.		Humores		Aetates.		Anni temp.	
Intensæ	Auster			Eurus.	Meridies.	Oriens.	Sanguis	Cholera	Pueritia.	Iuuentus	Ver.	Æstas:	
	Renissæ												
		humid.	♈.										
		humid.	♉.										
		calid.	♊.										
		calid.	♋.										
		calid.	♌.										
		ficc.	♍.										
		calid.	♎.										
		ficc.	♏.										
		ficc.	♐.										
		ficc.	♑.										
		frigid.	♒.										
		frigid.	♓.										
		humid.	♈.										
		humid.	♉.										
		calid.	♊.										
		calid.	♋.										
		ficc.	♌.										
		calid.	♍.										
		frigid.	♎.										
		ficc.	♏.										
		humid.	♐.										
		humid.	♑.										
		frigid.	♒.										
		frigid.	♓.										
		humid.	♈.										
		humid.	♉.										
		calid.	♊.										
		calid.	♋.										
		ficc.	♌.										
		calid.	♍.										
		frigid.	♎.										
		ficc.	♏.										
		humid.	♐.										
		humid.	♑.										
		frigid.	♒.										
		frigid.	♓.										
		humid.	♈.										
		humid.	♉.										
		calid.	♊.										
		calid.	♋.										
		ficc.	♌.										
		calid.	♍.										
		frigid.	♎.										
		ficc.	♏.										
		humid.	♐.										
		humid.	♑.										
		frigid.	♒.										
		frigid.	♓.										
		humid.	♈.										
		humid.	♉.										
		calid.	♊.										
		calid.	♋.										
		ficc.	♌.										
		calid.	♍.										
		frigid.	♎.										
		ficc.	♏.										
		humid.	♐.										
		humid.	♑.										
		frigid.	♒.										
		frigid.	♓.										
		humid.	♈.										
		humid.	♉.										
		calid.	♊.										
		calid.	♋.										
		ficc.	♌.										
		calid.	♍.										
		frigid.	♎.										
		ficc.	♏.										
		humid.	♐.										
		humid.	♑.										
		frigid.	♒.										
		frigid.	♓.										
		humid.	♈.										
		humid.	♉.										
		calid.	♊.										
		calid.	♋.										
		ficc.	♌.										
		calid.	♍.										
		frigid.	♎.										
		ficc.	♏.										
		humid.	♐.										
		humid.	♑.										
		frigid.	♒.										
		frigid.	♓.										
		humid.	♈.										
		humid.	♉.										
		calid.	♊.										
		calid.	♋.										
		ficc.	♌.										
		calid.	♍.										
		frigid.	♎.										
		ficc.	♏.										
		humid.	♐.										
		humid.	♑.										
		frigid.	♒.										
		frigid.	♓.										
		humid.	♈.										
		humid.	♉.										
		calid.	♊.										
		calid.	♋.										
		ficc.	♌.										
		calid.	♍.										
		frigid.	♎.										
		ficc.	♏.										
		humid.	♐.										
		humid.	♑.										
		frigid.	♒.										
		frigid.	♓.										
		humid.	♈.										
		humid.	♉.										
		calid.	♊.										
		calid.	♋.										
		ficc.	♌.										
		calid.	♍.										
		frigid.	♎.										
		ficc.	♏.										
		humid.	♐.										
		humid.	♑.										
		frigid.	♒.										
		frigid.	♓.										
		humid.	♈.										
		humid.	♉.										
		calid.	♊.										
		calid.	♋.										
		ficc.	♌.										
		calid.	♍.										
		frigid.	♎.										
		ficc.	♏.										
		humid.	♐.										
		humid.	♑.										
		frigid.	♒.										
		frigid.	♓.										
		humid.	♈.										
		humid.	♉.										
		calid.	♊.										
		calid.	♋.										
		ficc.	♌.										
		calid.	♍.										
		frigid.	♎.										
		ficc.	♏.										
		humid.	♐.										
		humid.	♑.										
		frigid.	♒.										
		frigid.	♓.										
		humid.	♈.										
		humid.	♉.										
		calid.	♊.										
		calid.	♋.										
		ficc.	♌.										
		calid.	♍.										
		frigid.	♎.										
		ficc.	♏.										
		humid.	♐.										
		humid.	♑.										
		frigid.	♒.										
		frigid.	♓.										
		humid.	♈.										
		humid.	♉.										
		calid.	♊.										
		calid.	♋.										
		ficc.	♌.										
		calid.	♍.										
		frigid.	♎.										
		ficc.	♏.										
		humid.	♐.										
		humid.	♑.										
		frigid.	♒.										
		frigid.	♓.										
		humid.	♈.										
		humid.	♉.										
		calid.	♊.										
		calid.	♋.										
		ficc.	♌.										
		calid.	♍.										
		frigid.	♎.										
		ficc.	♏.										

Ceterum quemadmodum vniuersus Zodiacus in 12 signa diuisus est: ita vnumquodque signum in 30 partes, seu gradus (vt vocant) ob id fortasse diuiditur; quia sol motu proprio 30 ferè diebus singula signa percurrit. Gradus iterum singuli in 60 scrupula prima; Scrupulum primum in 60 secunda, atque ita deinceps (quoties accuratior calculus requiritur) quousque libet, distribuuntur. Sexagenaria enim hæc diuisio in motuum subductione mirificè præ ceteris probata est; quia fractionum (vt vocant) molestiis minimè omnium est exposita: Maximè cum 60 à plurimis numeris (vt à 2. 3. 4. 5. 6. 10. 12. 15. 20. & 30.) exactè diuidatur. Atque hæc quidem de diuisione Signiferi, quæ à longitudine sumitur.

De latitudine Signiferi, maxima solis declinatione, linea Ecliptica, & solis ac luna defectu.

C A P. VIII.

Cùm Æquator, ceterique circuli latitudinis expertes esse intelligantur, soli Signifero latitudo tributa est,

propterea quod planetæ (quorum aliqui longius ultra citraque Eclipticam, quæ via solis dicitur, excurrant) sub hoc circulo feruntur. Veteres latitudinem hanc arbitrati sunt esse partium 12, recentiores verò 16, propter Veneris & Martis liberiores euagationē. Mediam porrò latitudinē linea Ecliptica secat: Dicitur autem linea Ecliptica ἀπὸ τοῦ ἐκλειπῆν, id est, deficiendo; quia solis, ac lunæ defectus aliàs accidere nō possunt, quam si vtrumque sidus sub hac linea decurrat. Dicitur prætereà via, seu semita solis; quia sol ab hac linea nusquam deflectit, vt ex certis maximarum solis declinationū limitibus, & mediis inter hos æquinoctiorū terminis veteres illi rerum cœlestium studiosi obseruarunt. Maximam porrò solis declinationē vocamus longissimum eius ab æquatore versus Septentriones, vel Austrum, recessum, qui nostro seculo est partium 23, scrup. 28 & $\frac{1}{2}$: Quod faciliè intelliges si meridianā solis altitudinem Astrolabij, aut alterius instrumenti præsidio in vtroque solstitio obserues, ac minorem

à ma-

à maiore deducas: quod enim relinquitur, totam torridę Zonę latitudinem ostendet: Huius itaque pars dimidiata maximę solis declinationi est æqualis. Sed nunc ad Eclipticam redeo, quę perinde ac totus Zodiacus, sphæram obliquę cõplectitur, partim vt stellę errantes, quas diximus continēter sub Signifero decurrere, facilius obliquo, quàm contrario cursu aduersum rapidissimū mundi motum nitātur: partim, vt omnes mundi partes quotānis possent vifere, & in his ortus, interitusque vicissitudines commodiūs efficere. Neque enim sine hac Zodiaci obliquitate, diurnū, noctiumq; inēqualitas, aut tēporum vicissitudo, ita vt solet, constāter recurreret. Ceterū lineę Eclipticę, in lunę ac solis defectibus explicandis, vsus est præcipuus: Nam antè dictum est, neutrum horum aliàs deficere posse, quàm si sub hac linea sidus vtrumque feratur. Cū enim luna, quemadmodum ceterę stellę, lumen præcipuum (habet enim quoddam insitum lumen, sed subobscurum) à sole mutuatur, non potest non

non obscurari, quoties lumine solis destituitur : destituitur autē semper quoties luminaria in lineam Eclipticam ex diametro opposita incidunt. At sol cū sibi auctor luminis sit , verē obscurari nequit; nonnunquam tamen, in ipso videlicet siderum coītu, & interlunio, ob interiectum lunæ corpus opacum, nobis deficere videtur. Hinc facilē intelligitur, cur solis defectus non sit generalis, id est, non vbiq̃uē gētium appareat: Maximē cū sol multis partibus terrā, multō magis lunam, mole superet, excedatq̃ue. Sed de his in secunda Astronomiæ parte dicendū est accuratiū: Nunc ad reliquos circulos progrediamur.

De Horizonte, & Meridiano, eorumq̃ mutatione. C A P. IX.

Horizon est circulus, qui conspicuam cœli partem ab ea quæ nobis occultatur, dirimit: A Macrobio ob id terminus cœli, ac Gyrus Hēmisphærij, ab alijs finitor, seu finiens appellatus est. Hunc Proclus & eum sequentes, bifariam diuiserunt, in eum videlicet, qui in sensum cadit, & eum, qui animo solo con-

concipitur: Verùm rectiùs, mea quidē
sententiā, hunc terrenum, illum æthe-
reum appellassent; cū præsertim vter-
que sensu æquē definatur. Nam si ratio-
nem ducem sequamur, neuter horum
horizontis definitionem suscipiet, nisi
fortassis illum horizontem mente ac a-
nimo intelligi asserant, qui cū terræ
medium in ipso mundi centro secare in-
telligatur, tum verē, ac propriē horizon
dicitur. Qui verò ab his horizōtes dicū-
tur, tātū quadā ex parte horizōtes sūt,
quatenus videlicet aspectui nostro, tū in
coelo, tum in terra fines ponunt; nō etiā
coelū in duas æquales partes diuidunt.
Ceterum hoc loco prætereundem non
est finientem circulum fixum non esse,
sed alium atque alium; prout diuersa re-
gionū ab Austro, & Septētrionibus di-
stantia requirit. Proclus quingentis fe-
rē stadijs eundem sine perspicuo errore
manere asserit, quod nisi commodē in-
telligatur meritò in quæstionem vocari
potest: Nam licet in primo climate, & a-
liqua secundi climatis parte (vbi 2150
stadiorum mutatio vix horæ quadran-
tem

tem longissimo diei adiicit) à vero non abhorreat, certum tamen est, in reliquis longè aliter rem se habere. In borealibus siquidem Scotiæ partibus, 320 ferè stadia; in Islandia verò 4, eandem mutationem faciunt. Verùm de his in Geographia proprius disputandi locus est. Nunc ad circulum Meridianum (sic appellatū, quia dum sol in nostro Hemisphærio hunc circulum contingit, meridies est) calamū conuertamus. Circulus meridianus est, qui per mūdi, ac Horizontis Polos ductus, ortum paribus spatijs dirimit ab occasu. Quò fit, vt verus ortum, occasumue contendentibus, necesse sit hunc continenter mutari; licet mutatio hæc vix minore, quàm 300 stadiorum interuallo, sensu percipi possit; maximè sub æquatore, vbi 120 stadiorum spatium non ampliùs vno horæ scrupulo ortum, occasumue tardiolem facit.

De 12 coeli domicilijs, eorumq; circulis.

C A P. X.

EX ijs quæ diximus non obscurè intelligitur, mutuis Horizontis, & Meri-

Meridiani intersectionibus, totam cœli
 faciē in quatuor æquales partes diuidi:
 quarum singulas iterū astrologi in tres
 partes dispecunt. Hæ δὲ δεκάτεμοι, *δεκά*
 vulgò domicilia cœli dici consueue-
 runt. Verū hīc cursim admonen-
 dum est non eandem in domiciliorum
 constitutione rationem ab omnibus
 seruari. Veteres etenim astrologi, &
 multorū opinione, Ptolomæus, Signi-
 ferum circulū in 12 æquas partes, ductis
 per eiusdē Polos sex circulis maioribus,
 diuississe videntur: quare cognito Ho-
 roscopo, seu signo ascendente, reliqua
 domicilia æquali (si horum sententiam
 sequaris) deinceps partitione numeran-
 da sunt. Alij totam cœli faciē in 12 par-
 tes æquales secant, ductis videlicet, vel
 per æquatoris, vel per circuli verticalis,
 partes æquas circulis, qui in duabus Fi-
 nientis, & Meridiani intersectionibus
 concurrant. Verū de his alius disse-
 rēdi locus dabitur, vbi de industria qui-
 bus limitibus astrologorum prædictio-
 nes coërceri debeant, disputabimus.

10. Regio.
 Campanus.

De duo-

Coluros (id est, imperfectos circulos) vulgus appellat, quos magis appositè circulos Æquinoctiorum & Solstitiorum dixeris: Neque enim in omni sphæræ situ coluri, id est, imperfecti apparent; sed ijs tantùm, qui vltra, citra-
 que æquatorem habitant. Est itaque circulus æquinoctiorũ, qui pervtrum-
 que mundi Polum & principia Arietis ac Libræ traductus, sphæram, perinde ac Meridianus, in duas æquas partes diuidit. Circulus Solstitiorum est, qui similiter per mūdi vertices ductus, Signiferum in punctis Solsticiorum, id est, in principio Cancri & Capricorni, interfecat. Vterq; igitur Colurus, nō secūs ac Meridianus, verticalis est. Possunt præter hos, & alij circuli verticales globo, seu sphæræ inscribi: verùm hi præ ceteris notantur; tum quia totam coeli faciem in quatuor partes æquales, præcipuis anni partibus respondentes, dispescunt: Tum quia Æquinoctiorũ & Solstitiorũ, quibus principes anni partes distinguntur,

tur, iudices sunt. Sequuntur nunc circuli duo, Tropici, ἀπὸ τῆς τροπῆς, id est, à cōuersione appellati, quia sol dum hos circulus describit, remeare quodāmodo incipit. Horum is qui Cancrī, & Tropicius est iuius dicitur, à sole primum Cancrī punctum tenente (quò tempore ab Æquatore versus Septentriones longissimè digressus est) describitur: Alterum verò, qui Capricorni est, sol iam longissimè ab Æquatore ad Austrum promotus, dum primam Capricorni partē occupat, in ipso, inquàm, Brumali Solstitio, motu diurno ob oculos ponit. quē admodum enim sol, vbi ad Cancrī principium versus Boream excurrerit, insistere videtur, datque nomen Solstitio estiuo: ita dum à nobis maximè remouetur, & Capricornū ingreditur, Solstitium Brumale definit. Tropicos excipiunt circuli duo Polares, quos, si Græcos scriptores sequaris, ab Arctico, & Antarctico distinguas necesse est: Nam vt ex Possidonio (referente Strabone) colligitur, Arcticus & Antarcticus, perinde ac horizō, ex vario regionum situ & latitu-

Lib. 1.
Geog.

titudine mutantur: Horumque munus (auctore Proclo) in eo potissimum versatur, ut hic astra nobis semper occulta, ille semper conspicua circūscribat: quod fit, ut uterque Horizontem in puncto contingat. At circuli Polares fixi sunt, & æquali semper spatio (nisi quatenus Poli Zodiaci, à quibus hi circuli describuntur, loco moueri solēt) à vicinis Polibus absunt; nostro quidē seculo Part. 23 Scrup. 28 & $\frac{1}{2}$: tantā etenim esse maximā solis declinationē, cui Polariū circulorum, & Polorum Zodiaci à Polibus mundi distantia æqualis est, suprà satis ostendimus.

De circulis verticalibus, altitudinum, & Horarijs.

CAP. XII.

PRæter iam explicatos circulos, qui in sphæra depingi solent, sunt & alij nonnulli, quorum in rebus Astronomicis non vulgaris est vsus. Huius generis sunt primo loco circuli verticales, sic appellati, quod per vertices locorū tracti, Finientem in omni sphæræ situ, in partes 360 æquales discescant. Horum in pla-

in planisphærijs (vbi pro diuersitare locorum, & latitudinum variæ tabulæ, seu Tympana requiruntur) aliisque id genus instrumentis vsus imprimis est necessarius: Vocantur autem nomine Arabico Azymuth. Sunt & alij præter hos, quos altitudinum, seu positionū circulos appellamus, vulgò Almicantarach, dicti sunt. Hi coronæ instar ita verticem ambiunt, vt quò quisque ab horizonte absit longiùs, eò minor sit, adeò vt postremus in punctum abeat. His in astrorum altitudine, & latitudine indaganda utimur. Verùm quia globo (propter multitudinem) inscribi commodè non possunt, in horum locum quadrantem altitudinum adhibere solemus, de quo infra. Sunt præterea circuli quidam horarij, numero 12, qui per mundi cardines traducti, æquatorem in omni sphæræ situ 24 partibus æqualibus, verticalē verò (nisi quoties cum Æquatore idem est, vt sub Æquinoctiali habitantibus) inæqualibus, dispescunt. Quò fit, vt horarum spatia, excepto æquatoris Horologio, semper differant. Aequatoris Ho-
D rolo-

rologium appellatum est; quia in sphæræ obliquæ situ Aequatoris sublimitatem habet: aliàs verticale, seu murale (vt (sub Aequinoctiali) aliàs Horizontale, vt sub mundi Polis appellari consuevit; quia hîc Aequator cum Horizonte, illic cum circulo verticali idem est. Verùm de his ad institutum nostrum hæc suffecerint. Si quis volet horologiorum conficiendorum rationes, & differētias videre, legat lib. Munsteri, & Orontij de horologiorum cōfectione, & ea, quæ infra hac de re dicturi sumus.

IN AND-
COPH. PRIM-
CIP. ETC.
CAP. 12.

*De nonnullis alijs circulorum diuisionibus,
& cursim de Galaxia, ac sphaera recta, &
obliqua.*

CAP. XIII.

Solent ferè Græci scriptores, & maximè Proclus circulos in parallelos, obliquos, & verticales, seu per Polos ductos distinguere: De verticalibus iam dictum est. Paralleli sunt, qui à sibi proximis, paribus vndique spatiis absunt: quo in genere non tantùm Aequator, & quatuor minores circuli recēsentur, verùm

tum etiā omnes quos sol ab initio Can-
cri vsque ad principiū Capricorni, mūdi
mundi motu incitatus, singulis diebus
conficit; quanquā, si rem diligentius
expēdamus, hi non tā circuli, quā Spire
dici merētur. Obliqui circuli sunt tres,
Zodiacus, Horizon, & Galaxia, seu cir-
culus (si quidem circuli nomine donari
debeat, quod tamen circuli perfectionē
non attingit) Lacteus; quorum postre-
mus, insignioribus aliquot stellis (vt
Erychtonio cum capra numero eius in-
fidente, Perseo, Cassiopeia, Cygno, Te-
lo, Sagittarij arcu, Ara, quatuor Cen-
tauri pedibus &c.) conspicuus est, &
per initia Geminorum, ac Sagittarij de-
scriptus, sub obscuro splendore, quavis
nocte serena se prodit. Verū hic ad in-
stitutam de circulis disputationem pa-
rum conducit. Quod de horizonte di-
ctum est, tantū in obliquo sphærę situ
veritatem obtinet, in quo videlicet ho-
rizō Aequatorem ad angulos obliquos
intersecat, & vicissim ab eodem interse-
catur: Nā quoties horizon cum Aequa-
tore idem est, vel ipsum $\pi\epsilon\omicron\varsigma\ \acute{o}\rho\theta\acute{\alpha}\varsigma$, id est,

ad angulos rectos dispescit (vtrouque enim modo sphæram rectam cōstituit) Horizon, non minùs quàm Aequator, rectus est. Diuiduntur præterea circuli in mobiles, & fixos: Huius generis sunt omnes præter horizontem, Meridianũ & (ex Græcorum sententia) Arcticum, atque Antarctitum, qui ad alterum genus pertinent. Ac de circulis quidem hæcenus.

De quinque Zonis, quatuor præcipuis mundi cardinibus, dextris, ac sinistris regionibus, ac principibus ventis.

C A P. XIII.

Quatuor circuli minores, Tropici, inquam, duo, & totidem Polares, quinque in cœlo Zonas, ac totidem in terra his respondētes distinguunt: quarum duæ, quæ videlicet Polis circumiectæ sunt, Frigidæ appellantur; aliæ duæ circulis Polaribus, & Tropicis comprehensæ, propter Frigoris cum calore permixti temperiem temperate dictæ sunt. Quinta inter vtrumque Tropicum iacens, quasi perpetuis solis ardoribus torreretur, Torrida dici consuevit. Verum

rum quia de Zonis, earum habitatione,
temperie, & alijs eòdem pertinentibus,
item de præcipuis mūdi cardinibus, de-
xtris, ac sinistris regionibus, principibus
ventis, ceterisque, quæ in hunc locum à
nonnullis congeri solent, fusè satis in cap. 9. 10.
Geographia diximus, nihil est quod hîc etc.
repetantur: maximè cum tota de his
disputatio Geographica sit,
potiùs quàm Astro-
nomica.

Finis Libri Primi.

Σὺν ὁξά.

D 3

IACO-

DE SPHÆRA
IACOBI CHERNEII AB
ARNAGE DE SPHÆRA
Liber Posterior.

PROOEMIUM.



VI A circulatorum cœlestium, de quibus adhuc sermonem instituimus, observatio, atq; adeo tota globi, seu spherę cœlestis descriptio eò cōparata est, vt ortus, & occasus stellarum, dierum, & noctium vicissitudines, siderum cursus, longitudines, latitudines, atque id genus alia facilius explicari queant, operæpretium facturum mihi videor, si de his deinceps pauca dicam: Ne vel circulatorum explicatio hætenus tradita, suo usu, ac fine destituatur; vel eorum, quæ ad priorem Astronomiæ partem propriè pertinet, aliquid desideretur.

*De vulgari, seu poetico ortu, & occasu
siderum.*

C A P. PRIMVM.

Paul=

PAullò aliter astronomi atque Poë-
 tæ, historici, & rei rusticæ scriptores
 de ortu, obituque siderum differunt. Nā
 astronomi domorum coeli æquationes,
 & temporum diuersitates inuestigaturi,
 quanto quodque signum tempore, aut
 oriatur, aut occidat ex horizonte obser-
 uant: Poëtæ verò certum aliquod anni
 tēpus ex astrorum ortu, aut occasu de-
 scripturi, diligenter adnotant, quo que-
 que stella tempore aspectui nostro sese
 offerat, aut supra finientem circulum e-
 mergat, vel iterum occultetur. Quò fit,
 vt hi ortum, occasumq; triplicem faci-
 ant, nempe κοσμικὸν, ἀκρόνυχον, καὶ ἡλιακόν,
 id est, mundanū seu matutinū, vesperti-
 num, & solarē. Ortus matutinus est, quo
 stella aliqua cū sole, vel paullò post, ma-
 ne supra Horizōtē euehitur: talis est or-
 tus Libræ sub initiū Autūni; talis item
 Arietis, sub initiū veris. Huic opponitur
 Ortus ἀκρόνυχον, quo sidus aliquod, sole
 occūbēte, supra finiētē emergit: Sic Ari-
 es sub initiū autūni oritur, & Libra circa
 veris itiū. Ex his facilè intelligitur quis
 sit occasus matutinus, & vespertinus: Nā

sidus quod κοσμικῶς oritur, ἀκρονυχῶς oc-
 cidit, & cōtrà: vt quia Aries sub princi-
 pium veris mane cum sole oritur, ideò
 vesperi ἀκρονυχῶς occidit; & quia Libra
 sub idem tēpus ἀκρονυχῶς oritur sole vi-
 delicet occidente, idcirco κοσμικῶς occi-
 dit, sole videlicet exoriente. Est itaque
 ortus ἀκρόνυχου seu vespertinus eorum
 siderū, quæ ex Diametro à sole absunt.
 Ortus Heliacus, seu solaris (quem Pli-
 nius emerſum potiùs, quam ortum ap-
 pellandum putauit, quique à nonnullis
 apparens, & planetarum ortus appella-
 tur) est, quo stella aliqua ex radijs solis
 se explicat: quod, quia bifariam contin-
 git (vel enim paullò ante solem manè
 exoritur, vel paullò post solis occasum
 supra finiētem apparet) bipartitū quo-
 que hunc ortum nonnulli faciunt, nèpe
 matutinum, & vespertinum. Occasus
 Heliacus est, quo stella aliqua ex solis
 vicinitate sub eius radijs deliteſcit: sic
 Taurus occidit paullò post initium ve-
 ris, sole nimirum ad hoc signū acceden-
 te. Ceterum omnem ortus & occasus
 Poëtici diuerſitatē non incōmodè qui-
 dam

dam hoc tetraſticho complexus eſt.

Mane vehit ſupra terram tibi coſmicus ortus

Sidera, ſed phœbi lumine teſta latent.

Mane dat Heliacus quædam ſubueſta videre

Aſtra, ſed Acronychus nocte videnda trahit.

De uſu ortus, & occaſus poëtici.

C A P. II.

IAM quod ad uſum ortus, & occaſus Poëtici attinet, duplex maximè inuenitur: vel enim ad intelligenda Poëtarum, Historicorum, & rei ruſticæ ſcriptorum monumenta conducit; vel ad certum tempus ex inſigniorum aſtorum ortu, aut occaſu ad veterum imitationem, deſcribendū. In priore uſu præcipua cautio eſſe debet, vt ſedulò quæramus ad quem ſphæræ ſitum veteres illi ſcriptores ſuas deſcriptiones accōmodarunt: vtrum videlicet ad Romanum; an Alexandrinum; nam ad horum ferè alterum omnia ſua priſci illi referebant. Deindè mutationis æquinoctiorum ob motum octauæ ſphæræ ratio habenda eſt: Nam veterum Poëtarum temporibus vernum æquinoctiū (verbi cauſſa)

con-

contigerat sub diem 18 Martij; at nostro seculo accidit sub 12 diem eiusdē mensis, quo tēpore Sol primum Arietis gradum occupat. Verū quia de motu octauæ sphæræ nihil, aut parum hætenus dictum est; profuerit breui tabella oculis subiicere solis in 12 signa ingressum, tum veterum Poëtarum temporibus, tum nostris.

Ingressus solis in primam part.	{	♈.	{	Tempore veterum poetarū die.	{	At nostro seculo die.	{	12. Martij ²¹
		♉.						11. Aprilis ²¹
		♊.						12. Maij ^{22. 9.}
		♋.						13. Iunij ^{22. 8.}
		♌.						14. Iulij ²⁴
		♍.						14. Augusti ²⁴
		♎.						14. Septem. ²⁴
		♏.						14. Octobr. ^{24. 8.}
		♐.						13. Nouem. ^{22. 9.}
		♑.						13. Decem. ²²
		♒.						11. Ianuarij ^{20. 8.}
		♓.						10. Februa. ^{19. 8.}

HIS obseruatis videndum est de quo ortu, aut occasu, an (verbi causa) de Cosmico, Acconycho, aut Helia-
co, scriptores accipiendi sint: Idque fe-
rè ex verbis intelligi poterit. Solent e-
nim Poëte, aut nota quadam ortum &
occa-

occasum, si non apertè, ita tamen vt eius speciem internoscas, distinguere, aut etiam tempus definitum, quo in eius cognitionem deducaris, adijcere. Prioris exemplum est in illo virg. Georg. 1

Ante tibi Eoæ Atlantides abscondantur, &c.

Cùm enim dicit Eoæ, id est, matutine, satis indicat se de matutino, seu cosmico occasu loqui. Posterioris exemplum est in illo Ouid.

Lib. 1. de
Pont.
Eleg. 9.

Quattuor autumnos Pleias orta facit,

Nam tempore Ouidij Pleiades oriebantur ἀργονυχῶς 22 die Octob. sole 4 grad. Scorpj obtinente. Verùm vt hæc plenius intelligantur operæpretium facturum mihi videor, si breuib. tabellis exponam, cum quibus partibus Zodiaci seu lineæ Eclipticæ insigniores stellæ fixæ, temporibus veterum Poëtarum ad Horizontem Alexandrinum, & Romanum (interdum enim ad hunc, interdum ad illū Poëtas descriptiones suas accommodasse certum est) oriebantur, & occidebant.

Tab.

Tab. ad Horizontem Romanum, vbi Polus sublimis est partib. 41, & scrup. 50. accommodata.

Tab. ad Horizontem Alex. vbi Polus sublimis est partib. 31.

Stellæ fixæ	oriunt. cū		occi. cum		oriunt. cū		occi. cum	
	G.	Sig.	G.	Sig.	G.	Sig.	G.	Sig.
Caput Arietis	21	♄	9	♊	26	♄	9	♊
Pes Arietis	25	♊	13	♊	23	♊	14	♊
Capella	25	♊	23	♊	21	♊	6	♊
Hedi Aurigæ	10	♊	5	♊	27	♊	29	♊
Pleïades.	26	♊	4	♊	28	♊	4	♊

Stellæ Fixæ	oriunt. cū		occi. cum		oriunt. cū		occi. cum	
	G.	Sig.	G.	Sig.	G.	Sig.	G.	Sig.
Head. & oculus ♀	21	♂	10	♂	19	♂	11	♂
Caput gem preced.	10	♂	4	♂	15	♂	0	♂
Caput gemin. seq.	19	♂	4	♂	20	♂	1	♂
Humer. dext. orio.	22	♂	22	♂	17	♂	26	♂
Cingulum Orion.	27	♂	14	♂	19	♂	19	♂
Pes Sinister orion.	29	♂	6	♂	19	♂	12	♂
Lepores Media.	13	♂	4	♂	2	♂	22	♂
Procyon Can. Mi.	14	♂	16	♂	9	♂	20	♂
Præsepe.	10	♂	10	♂	11	♂	11	♂
Afini.	11	♂	17	♂	28	♂	10	♂
Sirius.	23	♂	22	♂	14	♂	0	♂
Anguis.	25	♂	28	♂	21	♂	3	♂
Hydra.	12	♂	5	♂	7	♂	21	♂
Cor leonis.	4	♂	6	♂	4	♂	5	♂
Cauda leonis.	20	♂	21	♂	22	♂	11	♂

DE SPHÆRA

Vindemiator.	10	☿	19	♌	14	☿	8	♌
Spica virginis.	27	☿	22	☿	27	☿	24	☿
Crater.	6	☿	20	♌	1	☿	6	♌
Coruus.	18	☿	14	☿	16	☿	24	♌
Corona.	27	☿	2	♌	7	♌	14	♌
Libræ lanx Mer.	18	♌	9	♌	18	♌	19	♌
Libræ lanx Sept.	19	♌	10	♌	20	♌	3	♌
Bootæ brachia.	5	☿	25	♌	6	♌	1	♌
Bootæ pedes.	25	☿	28	♌	2	♌	15	♌
Arcturus.	15	☿	5	♌	20	☿	14	♌
Lyræ lucida.	27	☿	2	♌	15	♌	22	♌
Lyræ testa.	6	♌	28	♌	25	♌	9	♌
Serpentarius.	29	♌	2	♌	3	♌	25	♌
Spondili scorpij.	29	♌	14	♌	25	♌	28	♌
Cor Scorpij.	15	♌	5	♌	14	♌	8	♌
Gallina.	6	♌	8	♌	12	♌	29	♌
Aquila.	10	♌	26	♌	16	♌	19	♌
Delphi, caput.	19	♌	15	♌	29	♌	8	♌

STELLAE fixæ.	oriunt. cū		occi. cum		oriunt. cū		occi. cum	
	G.	Sig.	G.	Sig.	G.	Sig.	G.	Sig.
Delphi. pars poster.	15	↗	12	≈	25	↗	3	≈
Sagit. pars superior.	15	↗	0	↗	13	↗	3	↗
Sagit. pars inferior.	23	↗	7	↗	20	↗	10	↗
Capricornus.	0	♄	14	♄	2	♄	12	♄
Pegasi pars anterior	9	≈	2	∨	22	≈	27	×
Pegasi pars poster.	16	♄	4	×	4	≈	1	×
Aquarij media.	1	∨	15	≈	16	×	12	≈
Piscis Australis.	12	≈	2	×	13	≈	0	×
Piscis Borealis.	2	×	4	∨	12	×	2	∨

AC de priore quidem ortus, & occasus poëtici vsu, eiusque explanatione adhuc dictum est; sequitur nunc alter, qui in certo tempore ex insigniorum astrorum ortu, aut occasu describendo, vertitur: Hic princeps cura esse debet, vt sciamus quæ stellæ tempore proposito in nostræ sphæræ situ oriantur, & occidant. Primùm itaque videndum est ex prima tabella cap. 2. quam Zodiaci partem sol ad præscriptum tempus occupat: Deinde diligenter considerandum quæ stellæ cum illa Zodiaci parte oriantur, ac occidant: quod, vt faciliùs intelligatur, placuit tabellâ oculis subiacere, in qua proponuntur partes Zodiaci cum quibus insigniores stellæ oriuntur, & occidunt ad horizontem Duacenum, vbi Polus attollitur partibus plùs minus 50 & $\frac{1}{3}$.

Cũ Gradu Ascendunt. Descendunt.

Arietis { 1. Caput Arietis.
25.
29.

Pegasus
Caput Andromedæ
Piscis Borealis.

Tauri { 4. Caput Arietis.
8. Pleiades. Lepus.
18. Gladius orionis.
23. Cingulum orio.
Canis maior.

Gemin. { 3. Sinist. & dext. hu-
24. rus orion.
25. Hiades.
28. Caput II preced. Procyon.

Cancr. { 8. Caput II seq. Caput Hydrae.
9.
11. Sinister hu. orio.
15. Dext. hum. orion.
20. Cingulum orion.
23. Sinister pes orio.
29. Asini præsepe & Crater.

Leonis { 1. Asini præsepe
2. Lepus
5. Procyon
10. Cap. Gem. cornus
17. Canis maior, ca-
put Hydrae, cer-
nix leonis.
23. Cor leonis
25. Lucida in tergo
leonis. Cor leonis

Virgin. { 10. Cauda leonis
23. Cervix leonis.
24. Vindemiator.
28. Arcturus.


E

1. Corona

DE SPHERA

Libra { 1. Corona Borealis.
9. Crater.
15. Coruus.
18. Spica virginis,
28. Tergum & cauda Leonis.

Spica virginis.

Scorpij { 8. Lances 
16.
20.

Vindennator.
Cor scorpij.
sagittarij.

Sagitt. { 2. Sagitta.
9. Cor scorpij.
14. Aquila.
18. Delphinus.

Capri. { 1.
5. sagittarius.
15. Pegasus, caput Androm.
25. Caput v ρ .

Arcturus.
sagittarius.

Aquar. { 3. Aquarius.
17.
27.

Capricornus.
Corona.
Aquila.
Aquarius.
sagitta.

Piscium. 3.

Delphinus.























Pro

Profuerit fortasse aliud schema sub-
iicere accommodatum elenationi Po-
li grad. 57, & $\frac{1}{3}$, quantam Aberdo-
mæ, circa medium ferè Scotiæ, ob-
seruauimus, vt faciliùs studiosi sese ex-
ercere queant.

<i>Ad horizontē Aberno- nanū in Scotia, vbi Polus elenatur 57 $\frac{1}{3}$, hæc stellæ.</i>	oriunt. cū		occi. cum	
	G.	Sig.	G.	Sig.
Pleiades.	21	✓	1	II
Crus Aquarij.	22	✓	25	⋈
Caput II Boreal.	27	♄	17	♊
Oculus Tauri.	18	II	27	♄
Cauda Ceti.	22	II	10	✕
Venter Ceti.	25	II	1	✓
Caput II Austral.	3	♅	1	♊
Bellatrix.	17	♅	26	♄
Dexter Hum. Orionis.	19	♅	1	II

DE SPHÆRA

Prima stellæ zonæ Orionis.	25	♄	18	♄
Pes Sinister Orionis.	2	♄	8	♄
Canis minor.	7	♄	19	♄
Media Ceruix ♄.	20	♄	30	♄
Postrema stella in lūbis ♄.	23	♄	30	♄
Cor leonis.	22	♄	22	♄
Canis maior.	24	♄	17	♄
Cauda ♄	5	♄	24	♄
Lucida Hydræ.	6	♄	30	♄
Corona Aquilonaris.	20	♄	20	♄
Arcturus.	24	♄	15	♄

STELLAE	oriunt. cū		occi. cum	
	G.	Sig.	G.	Sig.
Stella in ceruice Corui.	9		71	
Spica.	18		6	
Lanx Septent.  .	5		73	
Caput Serpentar.	5		8	
Lanx Austral.  .	7		7	
Aquila volans.	4		22	
Crus Pegasi.	19		16	
Humerus Pegasi.	9		30	
Cauda Capricorni.	26		13	
Cornu Arietis.	2		3	

E 3 Sed

Sed erit fortasse res exemplo illustrior. Iacobus sextus, Princeps Scotorum, eximiae spei (cui tum felicem, & sanctam educationem, tum vitam longissimam precor) natus est, Anno salutis humanae 1566, die 19 Iunij: Huius Nativitate, si quis ex ortu, aut occasu poetico describere animum inducat, primum ex Tab. ingressus solis in signa Zodiaci perpedit, quem Sol eo die in Signifero locum occupet: Deinde videat, quae stellae cum ea Signiferi pacte oriantur, aut occidant. Comperiet enim solem occupare 7 gradum φ , cum quo occidit stella tertiae magnitudinis, in ceruice Corui, & aliquot stellae in ceruice Hydrae: triduo autem, seu quatrduo ante oriebatatur Caput Austral. π . Ex his itaque tempus notari poterit, quo Princeps noster in lucem editus est. Nec dissimilis est ratio in alijs.

De ortu, & occasu Astronomico, seu ascensu, & descensu signorum. C A P. III.

Preter vulgarem hanc ortus, & occasus descriptionem, est & alia, dicta Astronomica; quia subtilior temporis muta;

mutatio, & exacta cursus stellarum obseruatio hinc dependent: Nam cum veteres illi rerum coelestium studiosi perspicerent partes Zodiaci (sub quo sol, & reliqui planetæ semper deferuntur, & ad quem ceteræ quoque stellæ fixæ referri solent) inæqualiter oriri, & occidere, æquatorē verò equaliter, scitè admodum inæquales Signiferi ortus, & occasus æqualibus Æquatoris ascensionibus dimensi sunt. Est enim æquale, in omni genere, eius, quod inæquale est, canon, & mensura. Quò factum est, vt ortum Astronomicum definierint, esse ascensum partis æquatoris, quæ cum signo aliquo Zodiaci, aut signi alicuius parte, supra finiētem attollitur: Occasum verò, eius partis, quæ cum signo aliquo aut eius parte, infra Horizōte demergitur, descensum. Verùm, quia interdū maior, quandoq; minor Æquatoris, quàm Signiferi, pars, nōnūquàm etiā equalis peroritur, ortus hic, similiter & occasus trifariā diuisus est; nēpe in rectum, mediū, sen mediocrē, & obliquum. Rectus dicitur, quoties maior Æquatoris, quàm

Sgniferi pars exurgit: Obliquus, quan-
 do minor: Medius seu Mediocris, quan-
 do æqualis vtriusque arcus pariter ascē-
 dit: Nam singuli quadrantes zodiaci in
 sphæra recta, quemadmodum partes di-
 midiatæ in sphæra obliqua, æqualiter
 cum æquinoctialis quadrantibus, ac di-
 midiatis partibus oriuntur. Rectus por-
 rò ob id ortus dici videtur; quia angu-
 lus, quem Ecliptica, & Horizon consti-
 tuunt, rectior euadit, quàm angulus al-
 terius partis obliquè orientis. Ceterum
 illud obseruatione dignum est, recti, &
 obliqui ortus in omni sphæræ situ non
 eandem esse rationem: Nam in sphæra
 recta, vbi Horizon omnes circulos pa-
 rallelos in duas æquas partes diuidit,
 ideoq; dies perpetuò noctibus efficit æ-
 quales, Cancer, Capricornus, Gemini,
 & Sagittarius rectà oriuntur; reliqua ob-
 liquè: quorum ea, quæ diametro distāt,
 pari celeritate emergunt, occumbunt-
 que: Et omninò, quo quodque signum
 oriuntur modo, eodem occidit, & contrà:
 vt ex subiecto schemate videre est.

Schema

Schema ortus, & occasus signorum in sphæra recta.

Signa.	G.	M.	Ho.	M.	sec.	oriūt.
♈ ♉ ♊ ♋	27	54	1	51	36	obliq.
♌ ♍ ♎ ♏	29	54	1	59	36	obliq.
♐ ♑ ♒ ♓	32	12	2	8	48	Recta

In sphæra itaque recta, sola Signiferi obliquitas, ortus seu ascensus obliqui causâ est: quò fit, vt omnes eius quadrantes equaliter cum æquatore ascendant; at sphæra obliqua solè partes diuicias: vtpote quòd in hac, præter Zodiaci obliquitatem, accedat etiam obliquitas Horizontis. Non igitur hîc, vt in sphæra recta, generalis ascensionum tabula confici poterit: Nam diuersæ latitudines diuersum quoque calculum, atque adeò singulæ singulas tabellas requirunt. Verùm hîc memineris necesse est, nomine ascensus, quandoque accipi ipsum gradum, seu partem æquatoris, quæ cum aliquo Signiferi gradu oritur: quæ scilicet ratione in lat. Partiũ 50, vltimo Arietis

Arietis gradui tribuitur 13 gradus, & scrup. 52 æquinoctialis. Aliàs significat vniuersum arcum ab Arietis initio, vsq; ad gradum respondentem gradui proposito Zodiaci. Nonnunquam denique partē, seu arcum Æquatoris certo Zodiaci arcui assignatum, & seorsum à reliquis consideratum; qua significatione, in tabella, seu schemate ortus, & occasus signorum in sphaera recta, dictum est, cum Ariete ascendere 27 grad. & scrup. 54 æquatoris. Hac etiam significatione dicuntur signa rectā ascēdere, cum quibus oriuntur plures, quàm 30 partes Æquinoctialis, seu (quod idē est) quorum ortus plus duabus horis postulat: singulis etenim horis, 15 gradus Æquatoris oriuntur. Sic obliquè oriri signa dicimus, cum quibus Pauciores 30 part. Æquatoris oriūtur; seu, quæ intra duarum horarum spatium attolluntur. Ac de occasu recto, & obliquo idē esto iudicium. Verū ne studiosis hac in parte deesse videamur, placuit ascensus, ac descensus signorum secundum varias Poli eleuationes oculis subiicere.

Schema

*Schema ascensionum in tertia significatione,
secundum varias latitudines ab AEqua-
tore usque ad circulum Polarem.*

Altitudo Poli.												
	G.	M.	G.	M.	G.	M.	G.	M.	G.	M.	G.	M.
0	27	54	29	54	32	12	32	12	29	54	27	54
1	27	42	29	44	32	8	32	16	30	4	28	6
2	27	30	29	34	32	4	32	20	30	14	28	18
3	27	17	29	25	32	0	32	24	30	23	28	31
5	26	53	29	4	31	52	32	32	30	44	28	55
8	26	16	28	34	31	4	32	44	31	14	29	32
10	25	51	28	14	31	31	32	53	31	34	29	57
11	25	38	28	4	31	27	32	57	31	44	30	10
15	24	46	27	23	31	10	33	14	32	25	31	2
20	23	39	26	27	30	48	33	36	33	21	32	9

DE SPHÆRA

25	22	27	25	27	30	24	34	0	34	21	33	21
30	21	9	24	23	29	56	34	28	35	25	34	39
35	19	43	23	9	29	24	25	0	36	39	36	5
40	18	4	21	45	29	47	35	37	38	3	37	44
45	16	10	20	3	28	1	36	23	39	45	39	38
50	13	52	17	55	27	0	37	24	41	53	41	56
55	11	1	15	5	25	31	38	53	44	43	44	47
60	7	15	10	56	22	66	41	28	48	52	48	32
65	2	4	3	44	15	20	49	2	56	5	53	45
66	0	0	0	0	0	0	64	22	59	49	55	49

Ceterum, ut quæ de varia ascensus, & descensus significatione diximus, plenius intelligantur, operæ pretium fuerit signorum ascensus in secunda quoque significatione breuibus tabellis ob oculos ponere.



Schema continens ascensiones, in secunda significatione, signorum Borealiū, pro latitudinum diuersitate usque ad circulum Polarem arcticum.

lat.	♊		♋		♌		♍		♎		♏	
g.	g.	M.	G.	M.	G.	M.	G.	M.	G.	M.	G.	M.
0	27	54	57	48	90	0	122	12	152	6	180	0
1	27	42	57	26	89	34	121	50	151	54	180	0
2	27	30	57	4	89	8	121	28	151	42	180	0
3	27	17	56	42	88	42	121	6	151	29	180	0
4	27	5	56	20	88	15	120	44	151	17	180	0
5	76	53	55	57	87	49	120	21	151	5	180	0
8	26	16	54	50	86	30	119	14	150	28	180	0
10	25	51	54	5	85	35	118	29	150	3	180	0
11	25	38	52	42	85	9	118	6	149	50	180	0
15	24	46	52	9	83	19	116	33	148	58	180	0
20	23	39	50	6	80	54	114	30	147	51	180	0
25	22	27	47	54	78	28	112	18	146	39	180	0
30	21	9	45	32	75	28	109	56	145	21	180	0
35	19	43	42	52	72	16	107	16	143	55	180	0
40	18	4	39	49	68	36	104	13	142	16	180	0

DE SPHÆRA

45	16	10	36	13	64	14	100	37	140	22	180	0
50	13	52	31	47	58	47	96	11	138	4	180	0
55	11	1	26	6	51	37	90	30	135	13	180	0
60	7	16	18	12	41	8	82	36	131	28	180	0
65	2	4	5	48	21	8	70	10	126	15	180	0
66	0	0	0	0	0	0	64	22	124	11	180	0

Schema continens ascensiones Signorum Australium, in secunda similiter significatione, usque ad circulum Polarem, quem Antarcticum vocant.

Latit.			♊				♋				♌	
	G.	M.	G.	M.	G.	M.	G.	M.	G.	M.	G.	M.
0	207	54	237	48	270	0	302	12	332	6	360	0
1	208	6	238	10	270	26	302	34	332	18	360	0
2	208	18	238	31	270	52	302	56	332	30	360	0
3	208	31	238	54	271	18	303	18	332	43	360	0

4	208	43	239	16	271	45	303	40	332	55	306	o
5	208	55	239	39	272	11	304	3	333	7	306	o
8	209	32	240	46	273	30	305	10	333	40	306	o
10	209	57	241	31	274	24	305	55	334	9	306	o
11	210	10	241	54	274	51	306	18	334	22	306	o
15	211	2	243	27	276	41	307	51	335	14	306	o
20	212	9	245	30	279	6	309	54	336	21	306	o
25	213	21	247	42	281	42	312	6	337	33	306	o
30	214	39	250	4	284	32	314	28	338	51	306	o
35	216	5	252	44	287	44	317	8	340	17	306	o
40	217	44	255	47	291	24	320	11	341	56	306	o
45	219	38	259	23	295	46	323	47	343	50	306	o
50	221	56	263	49	301	13	328	13	346	8	306	o
55	224	47	269	30	308	23	333	54	348	59	306	o
60	228	32	277	24	318	52	341	48	352	44	306	o
65	223	45	289	50	338	52	354	12	357	56	306	o
66	235	48	295	36	360	o	o	o	o	o	o	o

Lib. I. c. 19

Ex his duobus schematis facile erit cuiusque signi ascensum discere vsque ad lat. partium 66 & $\frac{1}{2}$: poterunt quoque tabellæ ad reliquas latitudinū differentias haud multo negotio confici, non tantum pro signis vniuersis, verum etiam pro singulis signorum partibus. Si enim sphæram, aut globum absolute rotundum adhibeas, Polumque ipsum ad certam regionis latitudinem attollas, ex comparatione Aequatoris, & Zodiaci ad horizontem, videbis, quæ partes Aequatoris cum singulis Signiferi, seu Eclipticæ partibus oriantur: Multò tamen certiùs ex tabulis Sinum hoc ipsum effeceris. Sed de his partim in Geographia diximus, partim suo loco, vt feret occasio, dicemus.

De Dierum æqualitate, & inæqualitate; item de die apparente, & mediocri.

C A P. IIII.

FAcit inæqualis signorum ascensus, vt dies quoque sint inæquales: Nam cum quouis anni tempore, in quauis etiam Poli sublimitate, sex signa Zodiaci singulis diebus oriantur, si omnium æqua-

æqualis esset ortus, nō possent dies vbi-
que terrarum, & quouis anni tempore
nō esse æquales. At iam, quia (vt dictum
est) Aequatoris circuli partes, nūc plu-
res, nūc pauciores cum Signiferi parti-
bus oriuntur, consequens est tantò dies
longiores, noctes verò cōtractiores fo-
re, quantò plures Aequatoris partes cū
Zodiaci partibus, ab ortu vsque ad oc-
casum solis ascendunt. Verū enim ue-
rò, vt hæc facilius intelligantur obser-
uādum est, dierum multiplices esse dif-
ferentias, sed duas, præ ceteris, huius in-
stituti proprias: Nam dierum (vt per-
uagatam illam diuisionem diei in ciui-
lem, & naturalem, seu, vt nunc loquun-
tur, naturalem, & artificialem, in proxi-
mum caput reiiciam) alius est verus, na-
turalis, seu apparens, alius Astronomi-
cus, seu mediocris. Dies naturalis, est
spatiū, quo sol ab Eoo finiente progres-
sus, ad eundem redit; seu (vt dicam ex-
plicatiū) est tempus, quo totus Aequi-
noctialis peroritur, & ipsius prætereà
pars tanta, quanta respondet rectæ as-
censionis eius partis Eclipticæ, seu Signi-
feri,

feri, quam sol intereà proprio motu in contrarium confecit. Cùm igitur nec signorum omnium, nec eiusdem signi, in diuerso sphæræ, situ ascēfiones æquales sint, necessum est dies naturales esse inæquales, eoque magis, quò fuerit horizou obliquior. Est porrò huius inæqualitatis alia quædam caussa occultior, nempe solis in orbe Eccentrico motus, qui ad Signiferum comparatus est inæqualis. Verùm hac de re, in theorijs planetarum, Deo propitio, dicemus. Dies Astronomicus (sic appellatus, quia Astronomi calculum suum, & Ephemeridas ad hunc dirigere solent) seu mediocris, & equalis, est spatium 24 horarum Aequinoctialium, cum ascensione mediocri, id est, scrup. 59, & ferè 8 secund. Quantò itaque ascensio mediocris veram ascensionem superat, vel ab eadem superatur, tātò dies naturalis Astronomico, minor est, vel maior. Quò fit, vt harum ascensionum inter se differentia, dicatur æquatio, seu $\pi\epsilon\omicron\sigma\theta\alpha\phi\acute{\epsilon}\rho\epsilon\iota\varsigma$; quia huius, aliàs additione, aliàs deductione, dies veri, seu naturales in mediocres, seu astro-

Astronomicos, & hi in illos, cōuertuntur, atque inter se æquantur.

De peruagata diei in naturalem, & artificialem partitione.

CAP. V.

Dies vulgò in naturalē (quē Latinē loquētes ciuilē, Politicū, & astronomicum dixerunt) & artificialē, quem veteres scriptores naturalē appellarunt, diuidi consuevit: Illum superiore capite definiuimus esse spatium, quo sol ab Horizonte progressus, ad eundem reuertitur: Nisi mauis astronomos sequi, qui à Meridie diei initium sumunt; propterea quòd circulus Meridianus, quē sol Meridiei tempore attingit, sit instar Horizontis recti, nec pro latitudinum diuersitate, vt Horizō, mutatur. Nō defunt etiā, qui diem hunc ab occasu solis inchoēt, vt Iudæi, Athemeneses, ac Arabes, qui ad lunæ potiùs, quàm solis, motum annos, & tempora direxisse videntur. At Romani à Media nocte; quia tum sol ad nos redire incipit; diei initium petunt: Hos imitantur Christiani, licet alia ratione inducti, quòd nimirum *lux*

Censorinus li. de die nat.

Mundi Christus eo tempore nasci voluerit, vt ortu suo salutifero vitæ humanæ tenebras depelleret. Sed de his suo loco plura. Dies naturalis (quem vulgus artificialem vocat) est spatium ortu, & occasu solis comprehensum: huius mensura est arcus Aequatoris, qui cum signis Eclipticæ à loco solis numeratis, ascendit: reliqua pars Aequinoctialis noctem metitur. Quò fit, vt ijs, qui sub Aequatore habitant, dies, & noctes perpetuò sint æquales: Reliquis verò, id est, ijs qui vltra, citraque Aequatorem habitant, & sphæram habent obliquam, semper inæquales; nisi quando sol sub Aequinoctiali fertur, hoc est quãdo tenet initium, vel Libræ, vel Arietis, quo tempore, vbique gentium, & in omni sphæræ situ Aequinoctium esse, dictum est. Vt igitur sphæræ obliquæ præcipuas differentias attingamus, sciendum est, ijs, qui inter Aequatorem, & circulum Polarem Arcticum habitant, tantò dies longiores, noctes autem contractiores esse, quãtò sol ad Polum Arcticum magis accesserit; adeò, vt sole iam Cæcrum
in-

ingressu, diem habeant lōgissimum. At
 ijs qui australem mundi partem inha-
 bitant, contrarium usu venit. Ceterum
 sub circulo arctico, aut antarctico habi-
 tantibus, sole Cancrī primum punctum
 tenente, nulla nox est; sicut nec dies, dū
 subit initium Capricorni. Ultra hos de-
 nique circulos versus Polos degentes,
 dum sol in signis Aquilonaribus decur-
 rit perpetua, exclusis tenebris, luce v-
 nius, duorum, trium, quatuor, quinque,
 aut sex mensium, prout magis, minū sue
 ad Polū accesserint, fruuntur. Rursum
 sole ad Australia signa regresso, nulla
 lucis vicissitudine recreati, paribus tem-
 porum spatijs, perpetua nocte horres-
 cunt. Verū hęc, quē admodum etiam
 reliqua, quę de climatis, parellelis, vm-
 brarum differētijs, atque id genus alijs,
 hīc disputari possent, in primolib. Geo-
 graphiæ à nobis explicata sunt.

Cap. 10, 11
 12, &c.

*De horarum, tam equalium, quàm inæqua-
 lium differentijs, & calculo.*

C A P. VI.

HOrarum in æquales, atq; inæqua-
 les diuisio ex ea, quam explicui-
 mus,

mus, partitione dierum manasse videtur. Vt enim diem ciuilem 24 horis æqualibus (quas etiam æquinoctiales appellant, quia harum singulis 15 æquatoris gradus oriuntur) seu communibus metimur; ita diem naturalem 12 horis inæqualibus, quarum singulis, aliàs plures, aliàs pauciores æquatoris partes attolluntur. Est itaque hora inæqualis (quam alij *ἡμερικὴν*, id est, temporariam vocarunt) duodecima pars diei naturalis, vel noctis, id est, duodecima pars spatij, quo sol ab ortu in occasum contendit; vel iterum eius, quo ab occasu fertur in ortum. Dicuntur ergo inæquales, nō si eiusdem diei horæ inter se comparentur (tales enim inter se semper sunt æquales) sed si diuersa tempora consideres: quantò enim dies naturales longiores sunt, tantò horæ nocturnæ sunt contractiores, diurnæ verò longiores. Non sum tamen nescius, horam inæqualem à quibusdā appellari spatium, quo 15 partes Eclipticæ peroriuntur: quam definitionem si sequamur, certum est horas has, non solum, si ad diuersa tempora,

ve-

verum etiam si ad eundem diem, comparantur, esse inter se inæquales: Verum nos priorem sententiam, tanquam huic instituto magis accommodatam, alteram in suum locum reiectam, nunc amplectimur: nec diffitemur tamen posteriorem hanc, si rem diligentiore trutina expendamus, subtiliorem esse, & fortasse etiam veriore: cum præsertim Signifer, seu Ecliptica planetarum, quibus horæ inæquales assignari solent, mensura quodammodo sit, ac veluti amussis, perinde ac Equator spheræ supremæ. Ex his non fuerit difficile conijcere, vnde vulgares dierum appellationes Profectæ sint: Nam cum singulis horis inæqualibus singuli planetæ præesse intelligantur, ac in die civili horæ huiusmodi numerentur 24, si primam diei horam, ei planetæ tribuas, vnde dies ipse nomen accepit, secundam verò proximo, ac sic deinceps, comperies primam diei sequentis horam, ei planetæ assignandam esse, à quo appellatur. Res erit fortasse exemplo illustrior; sit dies lunæ (verbi causa) cuius hora prima debetur Lunæ, secunda Saturno, ter-

tia Ioui, quarta Marti, ac sic deinceps.
Ergo 24, seu vltima hora diei lunæ, assignanda est Ioui: Quia igitur prima sequentis diei hora, proximo planetæ; nempe Marti, ascribitur, factum est, vt dies hic, sit appellatus dies Martis. Quæ præterea de horis inaequalibus scienda sunt, vt quomodo ex horis aequalibus inestigari debeant, ex Anacephaleosi præcipuorum vsuum sphaerae, seu globi, petantur.

Cap. 5.

De motibus sphaerae nonæ, & octauæ, ac cursum de stellarum longitudine, latitudine, declinatione, ceterisq; affectionibus.

C A P. VII.

Nonam, ac decimā sphaeras priscorum inuētis, ex trium in octaua sphaera motuum obseruatione, recentiores adiecisse, antè dictū est: Nunc itaque superest, vt de his tribus motibus paucula (accuratiore disputatione in calcem secundae partis Astronomiae reiecta) adiiciamus. Octauam itaque sphaeram tribus motibus ferri Phoenomena declarāt; licet tertius Ptolemaeo, & veteribus omnibus fuerit incognitus.

tus. Primus horum motuum omnibus sphaeris inferioribus, quae decimi orbis impetu, ab ortu in occasum rapiuntur, communis est: Secundum huic contrariū ei sphaera nona impartitur, quae singulis centenis annis, plūs minūs, 44 scrup. conficit. Hic est, qui motus stellarum fixarum in tabulis appellari solet. Tertius est octauae sphaerae proprius, quem 7000 annorum absoluit: à quibusdā motus trepidations, ab alijs motus accessus, & recessus dici consuevit; quia fit ab Austro in Septentrionem, ac rursus in Austrum in duobus circellis, ab Arietis, & librae initio in orbe octauo, circum principia Arietis, & librae orbis noni. Sed de his suo loco accuratius. Nunc, vt ad stellarū, quae in octauo orbe refulgent, positum, ac descriptionem intelligendam, viam aperiamus, tribus verbis agemus de siderum longitudine, latitudine, altitudine, declinatione, ac magnitudine. Sideris igitur longitudo, est ipsius à primo Arietis puncto, secundum signorum ordinem distantia: Latitudo verò, est stellae versus

sus alterutrum Polorum ab Ecliptica
 linea recessus : differtque tum ab alti-
 tudine, tum à declinatione: quia altitu-
 do stellae nihil aliud est, quàm ipsius à
 finiente meridiem versuseleuatio: de-
 clinatio verò, eiusdem ab æquatore ad
 Austrum, vel Boream recessus. Quò fit,
 vt sol, tum altitudinem, tum declinatio-
 nem habere dicatur, latitudinem non
 item: quia ne latum quidem vnguem ab
 Ecliptica linea deerrat. Quod porrò ad
 stellarum magnitudines attinet, in sex
 differentias distribui solent: Nam pri-
 mae magnitudinis sunt 15, aut veriùs, 14;
 quia Os piscis Australis, & finis aquae
 Aquarij sunt vna, eademq; stella) quarū
 vnaquaeque creditur esse cēties septies
 maior terra. Secundae magnitudinis
 sunt 45, quarum singulae terram nona-
 gies superāt. Tertiae magnitudinis sunt
 stellae 208, maiores terra septuagesies
 bis. Quartae magnitudinis sunt 474,
 maiores terra quinquagies quater. In
 quinta magnitudine munerantur 212,
 trigies quinies terram superātes. Sex-
 tae magnitudinis sunt 49, quarum vna-
 quae-

quæque putatur decies octies maior terra. Præter has, sunt & aliæ quinque nebulosæ, & 9 tenebricosæ, quæ quòd obscurius cernantur, cæcæ magnitudini non ascribuntur. Quare quæ in certam magnitudinis classem referuntur, sunt 1003, quibus, si quinque nebulosas, & 9 tenebricosas adiicias, fiunt 1017: alij tamen in vniuersum numerant 1025: At Ptol. 1022: non quòd nō sint plures stellæ in cœlo (sunt enim propemodum innumeræ) sed quia tot ab Astronomis notari solent. Nunc superest, vt de præcipuorum siderum situ, ac nominibus agamus.

Lib. 7. & 8
περὶ μέ-
γαλ.
συντ.

*De præcipuorum siderum nominibus,
& situ.*

C A P. VIII.

Siderum (vt ordine, ac via progrediamur) duas faciemus classes; alia enim sint errantia (de quibus infra dicemus) alia fixa, quæ videlicet in cœlo octauo cōspiciuntur omnia. Horum iterum alia sint Borealia, alia Australia: Nam quæ Sgniferi, seu Zodiaci ab alijs appellatur, illa quoque, vel in Boream, vel in

vel in Austrum incumbunt. Inter signa
 Borealia loco maximè conspicuo est
 vrsæ maior (quæ etiam Helice, Currus,
 ac Plaustrum maius dicitur) à septem
 stellarum, quibus refulget, splendore
 Lippis, & tonforibus nota: Licet enim
 sidus hoc stellas 27 contineat, ex his ta-
 mē ceteris clariores sunt 7, Plaustri for-
 mam præ se ferentes, quibus Ptolemæus
 octauam adnumeravit, quæ ab Arabi-
 bus Alkir, à Latinis agitator, vel equita-
 tor dici cōsuevit. Vrsæ maiori vicina est
 vrsæ minor (quam Cynosuram, & Plau-
 strum minus vocarunt) septem quoque
 stellis, licet paullò obscurioribus, insig-
 nis, quarum illa quæ in extremo caudæ
 est, & ductam per vltimas Plaustri ma-
 ioris cotas, in Aquilonem, lineam aspe-
 ctu prosequētibus primū occurrit, Po-
 laris stella, propter vicinitatem, nomi-
 nata est: cū tamen à vero mundi Polo
 partibus ferè quatuor absit; ita, vt axis
 mundi cum hac stella trigonū efficiat.
 Ad maiorem vrsam Græci, ad minorem
 Sidonij, & Phænices, nauigationes no-
 cturnas dirigere consueuerunt. Infra
 vrsam

vrſam minorem eſt Draco, vtrique ta-
men vrſæ, ſinuoſi fluminis inſtar, ma-
gno implexu iunctus: Stellæ continet
31. Dracone, ſequitur Cepheus, 11 ſtellis
(quas lineæ à quatuor maioris plauſtri
rotis, per extremas caudæ minoris vrſæ,
ductæ comprehendunt. Cepheum exci-
pit Bootes (qui etiam Bubulcus, Arcto-
philax, & Cuſtos Erymāthidos vrſæ ap-
pellatur) ſtellis 22 reſplēdens, licet He-
ginus, præcipuas tantum enumerans,
huic ſideri non tribuat plures 14 ſtellis.
Harum vna, quæ primæ magnitudinis
eſt, & inter crura Bootis collocata, Ar-
cturus dicitur. Booti dextra eſt Corona
Aquilonarum, 8, vel (ſi alios ſequamur) 9
ſtellis imperfectum orbem præ ſe ſeren-
tibus, conſpicua. Hanc ſequitur Hercu-
les in genua curuatus, cui alij 28, alij 29
ſtellas assignant. Herculi ad dextram,
Lyra, ſeu Fidicula, muſarum beneficio
ſtellis annumerata, adhæret: Hanc qui-
dam vulturem cadentē appellant: con-
tinet porrò ſtellas 10, quarum ea, quæ ad
Arcticum ſpectantibus, in ipſo vulturis
roſtro occurrit, primæ magnitudinis eſt.

Aly-

A Lyra non lōgè abest Cygnus (quem
 ducta ab extremis stellis Plauſtri maio-
 ris, per vltimas minoris, linea demon-
 ſtrat) ſtellis 17 ornatus: harum vna cete-
 ris in cauda clarior, ſecundæ magnitu-
 dinis eſt. Sequitur deinde Caſſiopea,
 quæ Cepheo adiacet, continetque ſtel-
 las 13. Hanc excipit Perſeus, abſciſſum
 Gorgonis Medusæ caput gerens, cui
 ſtellas, alij 25, alij 26, aſſignant; quarum
 vna ſecundæ magnitudinis eſt. Huic ad
 ortum ſuccedit Auriga, Heniochus, ſeu
 Erychtonius, cuius Humero læuo Ca-
 pella, primæ magnitudinis ſtella, inſi-
 det, cum duobus Hœdis: continetque
 ſtellas 14, præter eam, quæ in dextro Pe-
 de eſt, & Erichtonio cum Tauro eſt cō-
 munis. Non longè hinc abeſt Ophiu-
 chus, ſeu anguifer, ingenti cinctus ſer-
 pente, cuius caput Coronam Ariadnes
 petit, Caudâ ad Aquilâ porrectâ: Ophiu-
 cho 24, Angui, ſeu Serpenti 18, Aquilæ 9
 ſtellæ aſcribuntur. Aquilæ ad ortum ſuc-
 cedit Delphinus, 9 ſtellis ornatus: ſunt
 tamen quidam, qui huic aſſignant 10,
 præter ſex informes. Delphino aliquatò
 infe-

inferior est Equus minor, seu prior, continens 4 stellas subobscuras. Sequitur hūc Equus alatus, seu Pegasus, cui stellas, alij 20, alij 25 assignarunt, quarum quatuor inferiores Tetragonū seu Tapesium prae se ferunt: atque harum vna, quae ad ortum à Polo longissimè excurrit, ala Pegasi dicta est. Pegaso succedit Andromeda, 23 stellis refulgens. Ad Andromedæ pedem Lænum, est $\delta\epsilon\lambda\tau\omega\tau\omicron\nu$, seu Triangulum supra Arietis verticem descriptum, & 4 stellis decoratum. Inferiore deinde loco sequitur Arius, 13 stellis conspicuus. Huic succedit Taurus, stellas continens 23, quarum quinque, quae in Tauri fronte cernuntur, à Graecis $\upsilon\acute{\alpha}\delta\epsilon\varsigma$ ($\alpha\pi\omicron\tau\omicron\upsilon\epsilon\iota\nu$, id est, pluendo, quia largos cient imbres) à Latinis primum Syades (teste A. Gell.) deinde Succulae Lib. 15 c. 9 appellatae sunt. Ex his vna est primae magnitudinis, diciturq; Tauri oculus, seu Palilitium, à Graecis $\lambda\alpha\mu\pi\alpha\delta\iota\alpha\varsigma$, ab Arabibus Aldebarā. Dorsum Tauri constituunt Vergiliae (sic dictae quòd extremo vere oriantur) seu $\pi\lambda\epsilon\iota\acute{\alpha}\delta\epsilon\varsigma$ $\alpha\pi\omicron\tau\omicron\upsilon\epsilon\iota\nu$, id est, nauigando, quia primae nauiga-

uigationis tempus suo ortu ostendunt;
 seu Atlantides, vel ipso numero septen-
 nario satis notae. Taurum sequuntur Ge-
 mini 18 stellis insignes: Harum duas se-
 cundae magnitudinis (quae Caput cō-
 stituunt, dicunturque Castor, & Pollix
 à nonnullis, ab alijs capita Herculis, &
 Apollinis) linea à Cygno per Polū ar-
 cticū longius porrecta ostendit. Gemi-
 nis ante pedes priores stella vicina est,
 Propus ob id appellata. Sequitur ordi-
 ne Cancer, Praesepe, & a fello gestans:
 Huic stellae 9, praeter quatuor infor-
 mes, ascribi solēt. Cancro proximus est
 Leo stellis 27, & 8 informibus decora-
 tus: Harum duae sunt primae magnitu-
 dinis, vna in pectore, quae Βασιλικός, ac
 stella regia dicitur: altera est in leonis
 Cauda, vrsae maioris extremae caudae
 subiecta. Proximum huic est sidus Vir-
 ginis, 26 stellis, praeter 6 informes, con-
 spersum: harum vna, quae in manu vir-
 ginis laeua, infra arcturum, pari ferè in-
 teruallo conspicitur, quo hic ab extre-
 mo Plaustri maioris Temone abest,
 Spica vocari consuevit: Est item & alia
 ad

admodum conspicua, paullò quàm spica minor (quamquam Io. Schonerus vtranque vult esse primae magnitudinis) appellata Προτρυγίτης, seu preuindemiator. Atque haec ferè sunt sidera, quae in Boreali parte coeli, ab Astrologis solent adnotari, quibus tamen à quibusdā adnumerantur, Tricae, seu Crines Berenices, septem stellis, inter caudam leonis, & Plaustrum maius iacentibus, insigniti. Verùm Ptolemeus harum tres tantum enumerat, propterea quòd ceterae obscurae sint.

De sideribus Australibus.

C A P. IX.

VLtra Aequatorem ad Austrum excurrèti prima occurrit libra, octo stellis, pràter 9 informes, ornata: Haec ad ortum Coronae, & Ophiuci parti priori subijcitur. Librà sequitur Scorpheus in longitudine duorum ferè signorum, & latitudinem graduum 30 porrectus (Libram enim, iusticiae fidus, in maximas angustias coëgit) & stellis 21 distinctus: harum vna secundae magnitudinis, Cor Scorpionis appellatur.

G

Oc-

Occurrit deindè Per Lyram longo spa-
 tio descendèti Sagittarius, Chiron, seu
 τοξότης stellas complexus 32; licet alij
 huic tātūm 20 tribuant. Huius ante pe-
 des stellae 13 in orbem circumuolutae
 Coronam australem conficiunt. His
 succedit Capricornus, stellis ornatus
 28. Hunc excipit Aquarius, vtriusque
 Equi capitibus subiectus, stellasque cō-
 tinens, praeter tres informes, 42: harum
 vna, Aquario cum piscibus communis,
 est primae magnitudinis. Aquarium se-
 quitur sidus Piscium, 34 stellis, praeter
 4 informes, conspicuum: Cū enim
 Pisces duo sint (maior, inquā, qui Pe-
 gaso, & minor, qui Andromedae, inter
 arietem, & Pegasus subiacet) longius-
 cula Fasciola connexi, vni tribuuntur 8,
 alteri verò 11, ipsi denique Fasciolae 15:
 quarū ea, quae in ipsa connexione con-
 spicitur, appellata est Σύνδεσμος. Se-
 quitur deindè Cetus, seu Pistris, Fascio-
 lae, qua Pisces iunguntur, & arietis fi-
 deri subiectus, ac stellis 22 ornatus: ha-
 rum tres, nempe, Mādibula Ceti, Ven-
 ter, & Cauda prae ceteris notati sunt.

Ce-

Cetum excipit nymphosus Orion, stellas complectens 38, quarum duæ, vna in humero dextro, altera in sinistro pede, sunt primæ magnitudinis, quatuor secundæ; ex quibus vna in sinistro humero Bellatrix est appellata: Reliquæ tres Balteum Orionis, seu (vt vulgus loquitur) baculum S. Iacobi constituunt. Præter has sunt & alię huius sideris stellæ, quę à forma magis, quàm magnitudine, aut claritate, propria nomina acceperunt: Nam duę in dextra manu donatæ sunt nomine clauæ, & 9 iuxta manum sinistram Leonis exuuiæ appellatur. Quatuor prætereà in dorso, gladii nomen consequutę sunt. Inter Orionē, & Cetum longo tractu effunditur Eridanus, seu Nilus, 34 stellis resplendens: harum postrema est magnitudinis primæ. Pedibus Orionis Lepus substratus est, stellasq; habet 12. Leporem insequitur Canis maior, stellas 18 (præter 11 informes) complexus, quarum vna in Canis ore, primę magnitudinis, Sirius dicitur. Huic proxima est Canicula, duas stellas complexa, quarum ea

G 2 quæ

quę $\Pi\rho\omicron\kappa\upsilon\omega\nu$ appellatur, est primæ ma-
 gnitudinis. Sequitur deindè Nanis seu
 Argo, stellis 45 relucens; quarū vna pri-
 mę magnitudinis, in summo navis gu-
 bernaculo, Canopus appellatur. Nauē
 sequitur Hydra, infra Cancri caput, &
 totum Leonem, ac Virginem longissi-
 mo spatio porrecta; stellas continet 25;
 quarum vna secundę magnitudinis, A-
 rabice dicitur Alphrad. Hydre dorso, in-
 fra virginis ceruicem, incumbunt Cra-
 ter, & Coruus, quorum vterque 7 stellas
 continet. His succedit Centaurus, lupū
 19 stellis fulgētem, qui ei ad ortum ob-
 iicitur, conficiens: habet autem stellas
 37, quarū 4 in hasta cernuntur. Lupum
 ad meridiem sequitur Ara, caudę Scor-
 pionis subiecta, ac stellis 7, aut (vt alij
 volunt) 13 illustris. Aræ ad ortum succe-
 dit Corona Australis (de cuius stellarū
 numero suprā dictum est) à Gręcis ap-
 pellata Ουρανίσκος . Sequitur deindè in-
 ter Aquarium, & Capricornum, Piscis
 Australis, cui 12 stellæ (præter sex infor-
 mes) tribuuntur: harum vna est primæ
 magnitudinis, illi cum aqua ab Aquario
 fusa

fusa communis. Atque hæc ferè sunt sidera quae in Australi parte mundi, à veteribus notata sunt. Nam recentiores quidam nonnulla alia adiiciunt: Vesputius enim in tertia sua ad Iudos navigatione, tradit Canopos tres, magnos quidem illos, sed obscuros videri; quorum primus partibus 9 , & $\frac{1}{2}$, secundus 12 , tertius 32 à Polo Antartico distant. Gonsalus Fernandus (referente Cardano) auctor est ibidem quatuor stellas videri, quae crucis formam praefereferunt: sed in his penes auctores Fides esto. Nunc, ut facilius rerum coelestium studiosi praecipuorum siderum nomina memoriae commendent, sequentes Ioachimi Camerarij versus libuit ascribere.

Lib. 3. de
rerum
subtll.

*Nomina disce puer veterum studiose laborum
Siderea, & coeli cognosce micantia signa:
Signa vocant, quibus ista vides insignia templi:
Sed numerum denum quater atque octo esse
dederunt.*

*Vrsa summa tenet Aquilonis frigora, per quas
Ingens, in morem Fluminis, perlabitur Anguis.
Hunc subit Arctophilax, sed & hunc mox*

Gemma Corona, (cris:

Indè genu Nixus, post quē Lyra, deinde volu-
tum Cepheus, & Cassiope, tū Vēctor, & ille
Falcatū extollēs cassa ensē Gorgone, Perseus.
Hinc Deltoton, & Andromede, hinc stas

Pegase, sed te

Delphin excipit, hunc Telum, hoc Aquila,

Anguitenensq;

Signifer hac sequitur Declini circulus Orbe:

In quo Aries, Taurus, Gemini, Cancer, Leo,

Virgo,

Chebe, Scorpius, Arcitenens, Caper, Ampho-

ra, Pisces.

At not⁹ undifera tenet hac simulacra sub axe:

Armatū Oriona, Canē in quo Sirius ardet:

Queis Procyonq;, Lepusq;, & Iasonis addi-

tur Argo:

Hydrusque, & Centaurus, & Ara inco-

gnita nobis.

Tū Notius Piscis, Cetusq;, ac Eridan⁹ unda.

Ex his versibus, & ijs quae à nobis iam

dicta sunt, existimo viam esse apertam

rei astronomicæ studiosis, ad intelligē-

dum coeli octauū ornatum, & semper lu-

centes siderorum fixorum ignes: reli-

quum est ergo, vt ad stellas errantes

tran-

transeamus: Nam si quis absolutam siderum descriptionem requirat, legat Io. Schonæri de stellis fixis, & globi coelestis Compositione opusculum, aut Tab. Alfonso, aut Ptolemaeum, vel aliquem alium, qui deditâ operâ de his disseruerit.

De stellis errantibus, seu 7 Planetis.

C A P. X.

Superfunt nunc stellae errantes (sic appellatae, non quòd incertis motuum legibus ferantur; sed quia, neque inter se, Neque cum stellis fixis aequalem situm tuentur) seu $\pi\lambda\alpha\nu\acute{\alpha}\tau\alpha\iota$, breuiter explicandi, vt nihil, quod quidem ad coeli ornatum attinet, relinquamus intactum. Esse itaque praeter stellas fixas, alias quasdam, duobus potissimùm indicijs, motu, inquam, & radijs, deprehensum est: Nam cum fixae stellae pari omnes celeritate (vt de motu, priore loco, dicamus) cierētur; vtpote quae coeli octauae partes sunt, post longam observationem animaduersum est quasdam esse stellas, quarum cursus non solum motu octauae sphaerae essent concita-

tiores, verum etiam inter se comparati
admodum inaequales. harum itaque
prima atque infima est Luna, quae con-
citatissimo suo motu orbem totum cō-
ficit 27 dieb. 13 hor. & scrup. circiter 18.
Pingitur autē forma corniculata, sic ☾,
quam ex coitu solis emergens adipisci-
tur; Graeci appellant $\mu\eta\nu\omicron\epsilon\iota\delta\eta\nu$. Verum
quia luna ex vario ad solem aspectu, spe-
ciem quoque, & nomina mutat, placuit
omnem hāc varietatem breui Schema-
te ob oculos ponere.

Lunę tū crescen- tis, tum decref- centis schema, die	Tum primo tū tricesimo.	{ $\Phi\acute{\alpha}\sigma\iota\varsigma: \sigma\acute{\upsilon}\nu\omicron\delta$ ☾, inter lunium, coitus, coniu- ctio. Irradiatio, seu aspectus proprie nullus. σ
	Quarto & 19.	{ Irradiatio, seu aspectus sextilis. \ast . $\Phi\acute{\alpha}\sigma\iota\varsigma: \mu\eta\nu\omicron\epsilon\iota\delta\eta\nu$, cor- niculata, seu falcata.
	Septimo, & 22.	{ $\Phi\acute{\alpha}\sigma\iota\varsigma$, $\delta\upsilon\chi\acute{o}\tau\omicron\mu$ ☾, diuidua. Irradiatio seu aspectus \square .
	Vndecimo, & 20, sexto.	{ $\Phi\acute{\alpha}\sigma\iota\varsigma: \acute{\alpha}\mu\phi\iota\kappa\nu\epsilon\iota$ ☾, vtrinque gibbosa. Irradiatio triquetra. Δ .

Deci-

{	Decimo quinto.	{	φάσις: πανσέληνον, plenilunium. Irradiatio opposit. ∞.
---	-------------------	---	--

Ad faciliorem huius schematis intelligentiam notandum est, duo præ ceteris in luna seruari, nempe φάσιν, & irradiationem, seu aspectum: Astrologi enim quatuor aspectus distinguunt, nempe, Sextilem, Tetragonum, Trigonum, & oppositum. Sextilis hac forma, ✱, notatur, nasciturque ex interuallo duorum signorum. Tetragonus, trium signorum distantia est, notaturque hoc Characterē □. Trigonus, quatuor signorum interualliū, pingitur forma trianguli Δ. Oppositus aspectus, sex signorum distantia, pingitur hoc modo ∞. His nonnulli adiiciunt coniunctionem hac forma σ notandam, quæ tamen non dicitur propriè aspectus. Verum de his alius erit dicendi locus. Lunæ proximus est Mercurius, qui cursum suum absoluit diebus 339. Hic à sole, veluti eius mandata excipere semper paratus, non abscedit longiùs partibus 22: Depingitur autē ægiptiaca caducei, quod
ab

ab Apolline accepisse fingitur, forma,
 hoc modo ☿. Cur porrò Ægyptij Ca-
 duceum duorum draconum oscula iun-
 gentium specie exprefferint, nota fabu-
 la est. Mercurio vicina est venus, quæ or-
 bem suum perambulat 348 diebus, nec
 vnquàm longiùs à sole discedit gradi-
 bus sex, & 40: Ac cùm ante solem oritur
 φῶσφορ, id est, Lucifer appellatur:
 cùm sole occumbente apparet, ἑσπερ, id est,
 vesper, seu vesperugo dicta est:
 Pingitur hac forma ♀. Supra Venerem
 est Sol medio loco, tanquam rex in re-
 gno suo, constitutus, conficitq; cursum
 suum diebus 365. Ho. 5. scrup. 49. sec. 17
 tert. 37. quart. 12. quint. 37: ac in suo or-
 be hac forma pingitur ☉. Huic proxi-
 ma est Horrida Martis stella, cuius mo-
 tus absoluitur anno vno, diebus 321.
 Ho. 22: & scrup. circiter 14. Pingiturq;
 forma minaci, hoc modo ♂. Supra mar-
 tem est Iuppiter orbem suum peram-
 bulans annis 11. Diebus 315. Hor. 4, &
 scrup. fere 14. huic, quòd sceptrum ma-
 nu gerat, hic character, ♄, assignari so-
 let. Supremo inter planetas loco est stel-
 la Sa-

la Saturni, ceteris multò tardior: nam motum suum absoluit annis 29. diebus 162. hor. 7. scrup. circiter 36. hunc, quia senis baculo initentis specie depingi solet, hac forma denotamus, *π*. Ac de motu quidem stellarum errantium adhuc diximus. Nunc reliquum est, ut quemadmodum radiatione à fixis stellis differant, explicemus. Sellas itaque fixas vibrare, ac tremulis quasi radijs aspectum nostrum percellere experimur: idque propterea accidere videtur, quia cum hæ à nobis longissimè absint, & cœli materia sit subtilissima, necesse est emissos inde ad nos radios sæpe infringi, semper tamen ad perpendicularum; & ob leuem Aeris agitationem veluti tremere, vacillare, ac scintillare, seu micare: Planetis verò (excepto Marte, qui cum subobscurus sit, & rubens, ijs micare videtur, quorum aspectus est imbecillior) nihil tale accidit; utpote, qui propter vicinitatem, radios ad nos eiciunt efficaciores, quàm ut ex leui commotione auræ queant intercipi. Quò fit, ut si quando planetæ vibrare videantur, argu-

gumentum sit aeris vehementer agitati,
 & futuræ tempestatis. Ex his quoque
 non fuerit obscurum intelligere, cura-
 stra vltra æquatorem magis scintillare
 nobis videantur, quàm quæ Aquiloni
 sunt viciniora: Nam & à nobis absunt
 longiùs, & Æther sub Æquatore celer-
 rimè fertur. Ac de planetarum quidem
 motibus, & radijs rudi, & crassa miner-
 ua nunc dictum sit: accurrata etenim
 hisce de rebus disputatio ad secundam
 Astronomiæ partem (in qua de theorijs
 Planetarum, deditâ operâ, agendum est)
 pertinet; vbi, & orbes singulorum, &
 peculiares orbium motus, at-
 que alia eòdem referen-
 da, explicabun-
 tur.

F I N I S.

Σὺν δόξᾳ.





